

MUHURI WA NNE



Habari za jioni. Tuinamishe vichwa vyetu sasa kidogo, kwa maombi.

² Baba yetu Mwenye Neema na wa Mbinguni, tunakukaribia tena usiku wa leo, sasa, katika Jina la Bwana Yesu, kukutolea shukrani kwa ajili ya siku nyingine. Na tunaomba sasa baraka Zako kwa ajili ya ibada ya usiku wa leo. Roho Mtakatifu na aje atupe tafsiri ya mambo haya ambayo tunayatafuta kwa bidii sana. Ee Mungu, jalia iwe nzuri sana kusudi sote tuweze kushiriki kwenye Neno sana, hivi kwamba, tutakapoondoka, tutaweza kusema, “Je! mioyo yetu haikuwaka ndani yetu hapo aliponena na sisi njiani?” Tunakushukuru kwa ajili ya vile Yeye alivyokuwa kwetu, na tukitumaini ya kwamba Yeye atakaa pamoja nasi wakati tunapoendelea na safari, kwa kuwa tunayaomba haya katika Jina la Yesu. Amina.

³ Nina furaha sana kurudi katika nyumba ya Bwana, usiku wa leo, katika ibada tena! Nasi tuna furaha. Nina furaha sana ya kwamba . . .

⁴ Nilidhania tu Huu usingekuja, lakini hatimaye ulikuja. Na kwa hiyo ninashukuru sana, huyo akiwa ni wa mwisho kati ya wale wapanda farasi wanne, ambao nafikiri ni mmoja wa Jumbe zilizo kuu sana kwa Kanisa wakati huu.

⁵ Sijui huo Mwingine unahusu nini. Ninaichukua tu siku baada ya siku, jinsi vile tu Yeye anavyoifunua. Ninajaribu ku—kuitoa, kwa . . . jinsi Yeye anavyonipa mimi.

⁶ Je! mnafurahia hizo—hizo baraka? [Kusanyiko linasema, “Amina.”—Mh.] Je! mmetambua jinsi vile Hiyo, inavyoambatana na hizo nyakati za kanisa, jinsi tu zinavyoingiana kikamilifu kabisa nazo? Hivyo ndivyo ninii . . . Kwangu mimi, inaonyesha ya kwamba ni—ni Roho Mtakatifu yule yule aliyetupa zile nyakati za kanisa, ndiye Roho Mtakatifu yule yule sasa anayetupa Hii, mnaona, maana zimeingiana pamoja; yote ni tendo moja kubwa la Mungu, akijionyesha Mwenyewe katika njia mbalimbali.

⁷ Unaona, wakati Yeye alipojionyesha kwa Danieli, katika yale maono, kungekuwako na kuwakilishwa kwa kitu kimoja, kama mbu—mbuzi mahali hapa, ama pengine mti; na mahali hapo pengine ingekuwa ni sanamu. Na—na—na mambo aliyofanya Yeye, akiyafanya kuwa ni, jambo lile lile wakati wote, hakikisheni tu ya kwamba hamtalikosa.

⁸ Sasa, kwa kweli nilifurahishwa mno muda mdogo tu uliopita, nikiwa ninazungumza na maskini mama mmoja ambaye ameketi hapa, mwenye umri wa miaka kama themanini na mitano. Naye . . .

⁹ Si muda mrefu uliopita, kabla tu ya mimi kuondoka kwenda magharibi, loo!, kulikuwa na—na msichana mdogo huko Ohio, ambaye alikuwa, nafikiri ndivyo ilivyokuwa, ambaye alikuwa anakufa akiwa katika hatua ya mwisho ya lukemia. Sasa, lukemia ni kansa katika mzunguko wa damu. Na, loo, maskini mtoto huyo alikuwa, unajua, ana hali mbaya sana, hivi kwamba, hapakuwapo na tumaini tena kwake hata. Walikuwa wakimlisha kwa mishipa, ule upasuaji. Na kwa hiyo wao walikuwa ni jamaa maskini sana. Nao walininii . . .

¹⁰ Bibi Kidd, hapa, na Ndugu Kidd, waliwaambia kuhusu Bwana kujibu maombi sana. Ndipo wakakutanika pamoja, nafikiri, na kumkodisha mtu fulani, na wakamleta mtoto huyo mdogo hapa. Naye alikuwa ni msichana mdogo mwenye sura nzuri sana, karibu, loo! umri wa miaka sita, saba. [Dada fulani anasema, “Miaka tisa.”—Mh.] Miaka tisa. Na—naye alikuwa kule nyuma kwenye chumba. Na ninii . . .

¹¹ Na tulipoenda mbele za Bwana, Roho Mtakatifu alitoa neno kwa ajili yake. Na inawabidi wamchukue, na inabidi wamchukue na kumlisha, unajua, namna hiyo. Naye alipoondoka, alikuwa analia apewe sambusa, na, kwa hiyo, akila chakula chake kwa mdomo. Nao wakampa sambusa, nao wakaendelea tu kumpa chakula kwa njia ya kawaida.

¹² Muda si muda, siku chache, wakamrudisha kwa daktari. Nao . . . Daktari kweli hakuweza kuelewa. Akasema, “Ni kama kwamba haikuwa, hata haikuwa ni msichana yule yule.” Akasema, “Mbona, hakuna—hakuna hata dalili moja ya lukemia kwake, po pote, hakuna hata kidogo.” Kwa hiyo, na, yeye alikuwa anakufa. Walikuwa tayari wamemkatia tamaa; wakimlisha tu kwa njia ya mishipa yake. Alikuwa tayari amegeuka manjano. Mnajua jinsi wanavyokuwa. Na kwa hiyo wao . . . Na sasa yuko shuleni, akicheza na watoto wengine, akiwa na furaha tu awezavyo kuwa.

¹³ Inanikumbusha juu ya kisa kingine kama hicho. Siku moja, nilikuwa tu nimekuja nyumbani, kulikuwa na ninii . . . Kama sijakosea, wao walikuwa aidha ni Waepiskopaliamama Wapresbiteri, ambao walikuwa wamemleta msichana mdogo kutoka Kansas. Nao madaktari walikuwa wamemkatia tamaa, akiugua lukemia. Nao walimpa, ninaamini, siku nne za kuishi; alikuwa amezidiwa sana. Kwa hiyo walisema walitumia tu siku hizo nne wakija hapa, kupitia kwenye malundo ya theluji na kadhalika, kuvuka nchi, kumleta aombewe. Na babu yake, mzee mwenye sura nzuri sana, alikuwa ana mvi.

¹⁴ Nao walikuwa wamemweka, tayari, siku mbili, chini hapa kwenye hoteli ndogo. Na—nadhani haipo pale tena, upande huu wa Silver Creek. Na kwa hiyo nikashuka nikaenda usiku huo kumwomba. Ilikuwa ni asubuhi na mapema. Nilikuja usiku huo, kutoka nje ya mji, na nikashuka nikaenda huko.

Na yule baba mzee wa makamo . . . babu alikuwa anatembea hapo kwenye sakafu. Na, mama yake, akijaribu kumshughulikia mtoto huyo.

¹⁵ Na wakati nilipokuwa nimepiga magoti kuomba, Roho Mtakatifu akanifunulia siri ambayo ilikuwa kati ya huyo—huyo na baba, ya jambo fulani walilokuwa wamefanya. Nikawaita kando na kuwauliza jambo hilo. Wakaanza kulia, wakasema, “Hiyo ni kweli.”

¹⁶ Ndipo nikaangalia nyuma, na nikamwona msichana huyo akiruka kwa kamba, akienda, akicheza. Na sasa mtoto huyo mdogo . . . Katika muda wa karibu majuma matatu, walinitumia picha ya mshichana huyo mdogo, amerudi shuleni, akiruka kwa kamba, wala hakuwa na lukemia, hata kidogo.

¹⁷ Sasa, sasa, shuhuda hizo ni za kweli kabisa, unaona. Kwa hiyo, Mungu wetu ni halisi sana, unaona. Tunamtumikia tu na—na kumwamini. Na—nami najua Yeye ni halisi.

¹⁸ Sasa, ninajaribu vizuri kabisa niwezavyo sasa, na wakati kitu fulani, cha ndani, ndani kati yetu, kinatenda kazi kabisa. Na sasa tunaenda kujaribu, usiku wa leo, kwa neema ya Mungu, kuchukua Muhuri huu wa Nne, tuone yale Roho Mtakatifu atakayotwambia, katika Huo.

¹⁹ Sasa ninaenda kusoma U—Ufunuo, sura ya 6, na kuanzia aya ya 7; ya 7 na ya 8. Kuna aya mbili daima; ya kwanza ni tangazo, na aya ya pili ni kile alichooa.

Na alipoifungua muhuri ya nne, nikasikia sauti ya yule mwenye uhai wa nne—wa nne akisema, Njoo uone!

Nikaona, na tazama, farasi wa rangi ya kijivujivu, na yeye aliyempanda jina lake (mwenye kumpanda) ni Mauti, na Kuzimu akafuatana naye. Nao wakapewa mamlaka juu ya robo ya nchi, waue kwa upanga na kwa njaa na kwa tauni na kwa hayawani wa nchi.

²⁰ Sasa, Bwana na atusaidie sasa kufahamu Jambo Hili. Ni siri.

²¹ Sasa, turudie tu kidogo, kuunganisha, kama tulivyofanya nyakati za kanisa, hawa wapanda farasi na huku kuvunjwa kwa Mihuri hii. Sasa, ili kwamba tuipe akilini mwetu, tuzungumze kidogo hata tutakaposikia ya kwamba ni wakati mzuri wa kunena.

²² Sasa, tumeona sasa, ya kwamba, kule kuvunjwa kwa ile Mihuri, ni Kitabu cha Ukombozi kilichotiwa muhuri. Halafu kitabu hicho kimekunjwa kama gombo, kama tu vile mtindo wa zamani ulivyokuwa.

²³ [Ndugu Branham anaonyesha mfano wa kukunjwa na kutia muhuri gombo, akitumia makaratasi—Mh.] Hakikuwa ni kitabu cha namna *hii*; maana hiki kilikuja hivi karibuni tu, vitabu vya aina hii, katika miaka, loo! nadhani miaka mia moja na hamsini iliyopita, ama kitu kama hicho, miaka mia

mbili. Na ndipo wao wanakikunja, halafu wanaacha mwisho wazi. Kama nilivyowaambia jinsi kilivyofanywa, na Maandiko, mahali pa kuyapata hayo, na katika Yeremia, na kadhalika. Ndipo kilichofuata kilikunjwa, halafu mwisho ukaachiliwa, nalo kilikuwa *hivyo*.

²⁴ Na kila gombo lilikuwa ni Muhuri. Nacho kilikuwa ni Kitabu kilichotiwa Mihuri Saba, na kilikuwa ni ninii... Hakuna mtu... Wakati walipokuwa... Kilikuwa ni Kitabu cha Ukombozi kilichotiwa mihuri saba. Samahani.

²⁵ Na, basi, hakuna mtu Mbinguni wala nchini, wala chini ya nchi, aliyekuwa anastahili kukifungua Hicho wala hata kukiangalia. Na Yohana akalia, kwa sababu yeye hakuweza kumpata mtu ye yote... Kwa sababu, kama Kitabu hicho hakikuchukuliwa kutoka katika mkono wa Mwenyewe wa asili... Ambapo, kilikuwa kimepotezwa na Adamu na Hawa, na kikarudi, baada ya wao kupoteza haki zao za Neno, zile ahadi, urithi wao.

²⁶ Wao, kumbukeni, wao wanaitawala nchi. Yeye alikuwa ni—alikuwa ni mungu mdogo, kwa maana alikuwa ni mwana wa Mungu. Na mwana wa Mungu ni mungu m—m—mdogo. Sasa, hilo si kinyume na Maandiko. Ninajua jambo hilo linasikika ni la kushangaza.

²⁷ Lakini Yesu alisema, “Kama mkiwaita wao, ambao Neno la Mungu liliwajilia...” Na Neno la Mungu linawajilia akina nani? [Kusanyiko linasema, “Manabii.”—Mh.] Manabii. “Kama mkiwaita, ambao Neno la Mungu hu—huwajilia, ‘miungu,’ mnaweza je kunihukumu Mimi ninaposema Mimi ni Mwana wa Mungu?” Unaona?

Na, sasa, wao walikuwa ni miungu.

²⁸ Na mtu, kama ukizaliwa katika jamaa ya jina la jamaa yako, wewe ni mwana, na ni sehemu ya baba yako.

²⁹ Na basi—basi wakati dhambi ilipoingia, tuliona ya kwamba huyo mtu alivuka lile shimo kubwa. Na—na damu ya mafahali na mbuzi, ilifunika, lakini haikuondoa. Mpaka, kile Kitakasaji halisi kilipokuja, ambacho kingeondoa waa la dhambi na kulivunja kabisa vipande-vipande, na kuirudisha juu yake yule mpotoshaji wa asili, ambaye alikuwa ni Shetani.

³⁰ Wakati ilipomrudia Shetani, yeye anangojea wakati wake wa kuangamizwa Milele. Sasa, hilo linaonyesha kile tunachoamini. Tunaamini ya kwamba yeye ataondolewa kabisa na kuangamizwa.

³¹ Ninaamini ya kwamba dhambi itavunjiliwa mbali. Na wakati inapotubiwa, juu ya msingi wa Damu ya Yesu Kristo, ni kama vile kuangushwa kwa tone la wino mweusi katika kiasi fulani cha kitakasaji cha Kloroksi. Kinaivuja tu katika kemikali,

na kuirudisha moja kwa moja mahali ilikotoka. Unaona? Na hivyo ndivyo ambavyo Damu ya Yesu Kristo inavyofanya.

³² Basi, hilo linamvusha mtu nga'mbo ya pili ya lile shimo kubwa tena, kama mwana wa Mungu. Unaona? Na halafu yeye—halafu yeye anafanyika nanii—nanii... Mbona, hata yeye... Zile nguvu za kuumba za Mungu zimo ndani yake. Na, angaa, wakati wo wote Mungu anapoweza kuamuru jambo litendeki, litatendeka. Nasi tunarudi kwenye hali ya kwanza. Ndipo wakati ninii—ninii... .

³³ Musa, chini ya damu ya mafahali; na wakati alipokutana na ile Nuru, ile Nguzo ya Moto katika kile kijiti kilichowaka moto. Ndipo alisimama, kule chini, agizo alilopewa na Mungu. Naye alikuwa ni nabii. Na wakati Neno la Bwana lilipomjilia, alinena, na hata vitu vikaumbwa kwa Neno. Unaona?

³⁴ Sasa, kama litafanya hivyo chini ya hiyo, damu ya mafahali, vipi kuhusu Damu ya Yesu? Si kwamba iliifunika; lakini iliiondoa, kabisa. Nawe unasimama katika Uwepo wa Mungu, kama mwana aliyekombolewa. Sasa, unaona, Kanisa limeenda mbali sana na kiwango chake cha maisha. Nami nafikiri, mara nyingi sana, sisi tunaepa badala ya kujitokeza kabisa na kukabiliana na jambo lennyewe.

Nina kitu fulani ninachotaka kusema, nami ni—nitakisema wakati huo.

³⁵ Na sasa angalieni ya kwamba kuna kitu fulani kasoro mahali fulani makanisani. Nami nafikiri utaratibu wa kimadhehebu ndio ambao umezivuruga akili za watu, na kadhalika, mpaka hawajui wafanyeje. Hiyo ni kweli.

³⁶ Lakini tumeahidiwa ya kwamba kingefunuliwa. Na sasa kuna Mihuri Saba ambayo imekifunga Kitabu hiki. Na hiyo Mihuri Saba sasa... .

³⁷ Na halafu baada ya Mihuri hii Saba kumaliziwa, tunaona, katika Ufunuo 10, kulikuwako na zile Ngurumo saba za siri ambazo Yohana aliagizwa kuandika, lakini halafu akakatazwa kuandika hizo. Na katika wakati wa hizo Ngurumo, tunamwona Kirsto, ama, “Malaika alishuka na upinde wa mvua, na akaweka mguu Wake juu ya nchi na juu ya bahari, na kuapa ya kwamba wakati ulikuwa umekwisha, wakati huo.”

³⁸ Na halafu tunaona—tunaona, ya kwamba katika kule kufunuliwa kwa ile Mihuri, kwamba yule Mwana—Mwana-Kondoo alikuwa ameondoka kwenye kazi Yake ya uombezi kama Mpatanishi, na alikuwa amekuja sasa kudai haki Zake, yote aliyokuwa amekomboa kwa mauti Yake.

³⁹ Na, basi, hakuna mtu angeweza kukifungua kile Kitabu. Hakuna mtu aliyekifahamu. Kilikuwa ni Kitabu cha Ukombozi. Na Mungu Baba, Roho, alikuwa nacho amekishika mkononi Mwake, kwa maana Kristo alikuwa kwenye Kiti cha Enzi kama

Mpatanishi, Mpatanishi wa pekee. Kwa hiyo, hakungeweza kuwako na mtakatifu ye yote, hakuna cha Mariamu, hakuna cha Yusufu, hakuna kine cho chote, kwenye madhahabu, kwa maana ilikuwa ni Damu. Na ni Damu ya Yesu pekee ingeweza kufanya upatanisho, kwa hiyo hakuna kitu kine cho chote kingeweza kuwa kimesimama kama Mpatanishi. Hiyo ni kweli. Hakukuwapo na kitu kine.

⁴⁰ Kwa hiyo wazo hili lote la kupatanisha na Yuda kwa ajili ya siasa, na kuombewa na Mtakatifu Cecilia kwa jambo fulani lingine, huo ni upuuzi. Hiyo si... Si—sisemi hao watu si waaminifu na wanyofu. Mimi sisemi wewe si mnyofu katika kufanya jambo hilo, kama unalifanya. Lakini, umekosea, ume—umekosea kwa moyo mweupe kabisa. Na kitu cho chote... .

⁴¹ Eti wanasema, “Vema, huyu—Malaika huyu, huyu—huyu aliyemtokea Mtakatifu Bonifer na kusema *hivi, vile*, na *vinginevyo*. Nao wao kwamba eti wanapaswa kusema jambo *hili*.” Mimi sishuku hilo hata kidogo, niani mwangu, kinyume cha kwamba mtu fulani aliona ono. Si—sishuku kupinga kwamba Joseph Smith aliona ono, lakini halikuambatana na Neno lingine lote. Kwa hiyo basi, kwangu mimi, ni makosa. Unaona? Halina budi kuambatana na Neno lingine lote.

⁴² Hivyo ndivyo ilivyo kwa zile nyakati za kanisa, na Mihuri, na hayo mengine yote. Na mtu ye yote anapodhania ya kwamba ana hizo Ngurumo Saba, kama hazipatani na Neno lingine lote, kuna kasoro fulani. Unaona? Halina budi kuja, BWANA ASEMA HIVI, kwa kuwa *Hiki* ndicho Kitabu chenyewe. *Hiki* ndicho Ufunuo wa Yesu Kristo, katika utimilifu Wake.

Sasa, ni—ninaamini basi ya kwamba yule Mwana-Kodoo alijitokeza.

⁴³ Wao hawakujua. Yohana alikuwa analia. Hakuweza kuona mtu ye yote, Mbinguni, duniani, maana wote walikuwa upande ule mwingine wa lile shimo kubwa, unaona, dhambi. Hapakuwa na mtu... . Na Malaika, bila shaka, Yeye angestahili, lakini, hata hivyo, alipaswa awe ni Jamaa wa Karibu. Alipaswa awe ni mwanadamu. Na hapakuwapo na kitu kama hicho, maana kila mtu alikuwa amezaliwa kwa kujuana kimwili.

⁴⁴ Ilimbidi Yeye kuchukua Mtu aliyezaliwa bila kujuana kimwili. Kwa hiyo Mungu Mwenyewe alitekeleza hilo, katika kule kuzaliwa na bikira, na akawa Imanueli. Damu Yake Ndiyo iliyostahili. Basi wakati alipovuka hili shimo kubwa, Yeye Mwenyewe, na akalipa ile gharama na kuunganisha njia kwa ajili yetu sote, ndipo akaketi chini, apate kuwa Mpatanishi. Naye amekuwa akiketi pale.

⁴⁵ Na Kitabu hicho kwa kweli kilikuwa kimefungwa, wakati wote huo. Kiko pale, bali kingali katika mifano. Wao walikiona. Yohana hata alikiona. Lile tangazo, wakati yule wa kwanza alipotoka, yeye alisema, “Farasi mweupe alitoka akaenda;

alikuwa amepandwa na mtu fulani; alikuwa na uta mkononi Mwake.” Huo ni mfano. Haukufunuliwa. La. Ni mfano tu. Na, kama mtu ye yote duniani, hayo tu ndiyo angaliweza kusema. Hiyo ni kweli. Huenda akajikwaa na kuyumbayumba, hapana shaka, akagusa mahali fulani *hapa* ama *pale*, na baada ya muda kidogo.

⁴⁶ Lakini tunaona, basi, ya kwamba katika kile Kitabu cha Ufunuo, “Kwenye Ujumbe wa malaika wa saba, siri (siri Zake zote) hazina budi kuwa tayari zimefunuliwa kufikia wakati huo.” Sasa, hiyo ni Ufunuo 10:1-7, ya kwamba hazina budi kufunuliwa kulingana na wakati huo, wakati huo Yeye alipozifunua.

⁴⁷ Ndipo zile Ngurumo Saba zinatoa sauti zao za ajabu, na Yohana alikuwa anataka kuandika. Lakini, Yohana alijua zilikuwa ni nini, lakini yeye—yeye hakuziandika maana alikatazwa kuziandika. Hizo, kwa jumla, ni siri kabisa. Hata haziko katika mfano wala cho chote kile. Tunajua tu Yeye . . . Ilinguruma, basi.

⁴⁸ Na sasa katika kusoma jambo hili sasa, msisahau, sasa, Jumapili, ama Jumapili asubuhi, tuliacha ibada ya kuponya kwa sababu ya kuyajibu ma—maswali ya watu. Sasa, ninataka wewe uwe na swali juu ya hii Mihuri Saba, kama inakutatiza, jambo fulani ambalo hulielewi. Hebu na tulipate juu ya Mihuri Saba. Ndipo ninaweza kujua, ifikapo Jumamosi usiku, kama yanatosha ku—kuyajibu, ama hayatoshi, mnaona. Na halafu sasa hivi, kusema tu, vema, juu ya jambo fulani lingine, ama, “Je! nifanye *hivi*? Ama—ama, huenda uliota ndoto. Hayo, mambo hayo yote ni muhimu, sasa, kumbukeni. Ni mambo muhimu. Lakini hebu na tuendelee moja kwa moja na hii Mihuri Saba. Hiyo ndiyo tunayoshughulikia sasa hivi. Hebu. . . Hiyo ndiyo ambayo m—mkutano huu umepangiwa, ile Mihuri Saba. Hebu na tuendelee moja kwa moja na Hiyo.

⁴⁹ Sina budi kwenda nyumbani, sina budi kufanya mikutano michache huko magharibi. Nitarudi tena basi, katika muda wa zaidi kidogo ya mwezi mmoja ama miwili, ama kitu kama hicho, na labda Bwana ataruhusu kwamba tunaweza kuwa na jambo lingine juu ya hilo, labda ibada ya uponyaji ama jambo fulani wakati huo, ama cho chote ambacho tuna- . . . cho chote kile.

⁵⁰ Halafu tuna Baragumu Saba hapa, ambazo bado zinakuja, unaona. Na zote hizo zinaingia ndani hapo, pia. Na vile Vitasa Saba, unaona, vitakavyomwagwa. Kwa hiyo, na hayo yote yatafungamana moja kwa moja hapa, lakini yote bado ni siri.

⁵¹ Sasa, jana usiku . . . Tunaona ya kwamba ule Muhuri wa Kwanza ulitokea, na yule mpanda farasi . . . Naye Bwana . . . Kwa hiyo na anisaidie, sikujua jambo hilo hapo nyuma. Hakuna yo yote ya mambo haya niliyowahi kujua hapo nyuma. Hiyo ni kweli. Nami sijui kabisa.

⁵² Ninapanda kwenda kule tu, na kuchukua Biblia na kuketi chini, na kuketi pale mpaka wakati unapoanza kufunguka namna hiyo. Ninaitwaa tu kalamu yangu na kuanza kuandika. Nami ninakaa tu pale, labda kwa masaa mengi, mpaka unafikia—unamalizika.

⁵³ Halafu ninarudi, na ninachunguza, ninapoonaa mahali fulani Yeye aliposema jambo Hili. Nikawazia, “Vema, inaonekana kama kwamba nimeona jambo hilo mahali fulani.” Ninachukua itifaki yangu, ninaanza kuchunguza kule nyuma. “Je! kuna kitu kama Hicho? Baadaye Hiki hapa papa *hapa*. Na halafu Hiki hapa mahali *hapa* tena. Baadaye Hili hapa nyuma *hapa*, na chini *hapa*, na upande *huu*.” Ndipo ninalifungamanisha moja kwa moja kuliingiza ndani. Ninajua huyo ni Mungu, mradi tu linakubaliana Andiko na Andiko. Hivyo ndivyo Hilo linavyopaswa kuwa. Ni kama tu kujenga nyumba, mawe hayana budi kuingiana, jiwe kwa jiwe.

⁵⁴ Sasa, jana usiku tulikuwa na kule kufunguliwa kwa—kwa ule Muhuri wa Tatu. Wa kwanza ulikuwa ni farasi mweupe, na wa pili ulikuwa ni farasi mwekundu, na halafu farasi mweusi. Na tunaona ya kwamba hao wapanda farasi walikuwa ni mpanda farasi yule yule, wakati wote; na huyo alikuwa ni mpinga-Kristo, kwanza. Yeye hakuwa na—na taji, lakini alipokea moja baadaye. Halafu tunaona ya kwamba basi alipewa upanga, kuondoa amani duniani, na tunaona ya kwamba alifanya hivyo. Ndipo akaingia na mafundisho ya sharti ya kulipa, kanisa pesa, kwa kupima nusu rupia kwa *hiki*, na rupia kwa *kile*. Lakini alikatazwa kugusa Mafuta na divai, ambayo yalibakia kidogo.

⁵⁵ Halafu tunatoa, tukaachia jana usiku, na maelezo ya kwamba Mafuta na divai ilikuwa ni nini, na yalikuwa na matokeo gani. Nasi...Huenda ilisikika kali kidogo, lakini mimi...ni Kweli kabisa. Unaona? Sasa, tuliachia kwenye... Hebu, kwa muda mfupi sana, turudie hayo sasa. Na halafu tukaachia, kwenye nguvu za divai, Mafuta yaliwakilisha kitu gani, Roho. Sasa, nadhani ninyi nyote mliyaandika hayo yote. Mtayapata hayo kwenye kanda, kama hamkuyaandika. Na mahali gani pa kuyapata Maandiko hayo, ya kwamba, mafuta daima ni mfano wa Roho Mtakatifu. Kama wale wanawali wapumbavu wasio na Mafuta, wanawali werevu wenye Mafuta, ambayo ni Roho Mtakatifu. Halafu tukirudi nyuma, katika—katika—katika nanii—wale manabii, na kadhalika. Na sasa mimi... .

⁵⁶ Hasa, mimi sijaribu kuchukua kila Andiko lililoko pale ndani. Na kuna mambo ambayo hata huwezi kunena habari zake; itachukua muda mrefu sana. Lakini ninajaribu kuleta hapa nje, kwa Maandiko na kadhalika, mambo ya kutosha tu kuwapa watu ili iwawezeshe kujua na kuona picha Yake. Lakini kama ungeketi chini na mmojawapo wa hiyo Mihuri, mbona, jamani, ungeweza kuchukua somo la mwezi mzima kila usiku,

ukiwa tu uko kwenye Muhuri huo huo, na bado hata usiufikie, unaona, ukiwa uko kwenye mmoja Wao. Na hivyo ndivyo—ndivyo jinsi ulivyo na mambo mengi. Lakini, ni kugusia juu-juu tu, ndipo mnaweza—mnaweza kuona inahusu kitu gani.

⁵⁷ Sasa, kwa kuwa mafuta yalionyesha ni mfano wa Roho Mtakatifu. Basi tunaona ya kwamba mafuta na divai vinahusiana katika ibada, unaona, daima vinahusiana katika ibada.

⁵⁸ Na divai, nilisema, jambo ambalo limenijia, ya kwamba divai inaonyesha ya kwamba ilikuwa ni nguvu za—ilikuwa ni nguvu za changamko kwa ufunuo. Unaona? Na hapo ndipo wakati ambapo jambo fulani limefunuliwa. Linaleta changamko kwa mwamini, kwa sababu limetolewa kwa ufunuo. Unaona? Ni jambo fulani ambalo Mungu amesema. Ni siri; hawawezi kuifahamu Hiyo, unaona. Na, baada ya kitambo kidogo, Mungu anashuka na kulifunua Hilo, halafu analithibitisha.

⁵⁹ Kumbukeni, kama Kweli imefunuliwa, hiyo Kweli pia inathibitishwa. Mungu, daima, haidhuru mtu huyo awe ni mwerevu namna gani, jinsi gani angeweza kuwa na akili bongoni mwake; kama Mungu hathibitishi yale anayosema, kuna kitu fulani kasoro. Unaona? Kweli. Maana, ni Neno.

⁶⁰ Sasa, wakati Musa alipotoka akaenda kule chini ya upako wa Mungu, akasema, “Na kuje inzi.” Inzi wakaja. Kasema, “Na kuje vyura.” Vyura wakaja.

⁶¹ Unaona, vipi kama yeye angesema, “Na kuje inzi,” nao hawakuja? Unaona, basi yeye—yeye hakunena Neno la Bwana, unaona; yeye alijinenea tu, alinena neno lake mwenyewe. Huenda yeye alifikiria inapaswa kuwe na inzi. Lakini, ha—hakukutokea inzi wo wote, kwa sababu Mungu hakumwambia jambo hilo.

⁶² Na wakati Mungu anapokwambia jambo lo lote, na aseme, “Nenda ukafanye *hili*, nami nitaliunga mkono moja kwa moja, kwa maana hili ni Neno Langu,” Naye alionyesha katika Biblia, basi Mungu anasimama moja kwa moja nyuma ya jambo hilo. Na kama halikuandikwa katika Biblia, Mungu analiunga mkono, hata hivyo, kama ni Neno la Mungu. Unaona?

⁶³ Na halafu kama liko nje yake, linafunuliwa kwa manabii. Tunatambua ya kwamba siri zote za Mungu zinajulishwa kwa manabii, na hao peke yao. Unaona, Amosi 3:7.

⁶⁴ Sasa, sasa, nguvu za ufunuo huleta changamko kwa mwamini. Kwa kuwa, nguvu za divai, divai ya kawaida, ni kwa ajili ya kuchangamsha. Unaona? Ni—ni kumleta mtu, ambaye ameshuka moyo, kwenye changamko. Unaona? Unaona? Vema, basi, sasa, kuna nguvu za ufunuo wa Neno, huleta changamko la furaha kwa mwamini, changamko la kuridhika, changamko kwamba Hilo limethibitishwa na limehakikishwa.

65 Hilo huitwa, katika Maandiko, kama tukitaka kulirejea, kama “divai mpya.” Sikuzote timaliita hivyo, kama vile “Hawa wamelewa kwa mvinyo mpya.” Unaona? Vema. Ama, “divai ya kiroho,” nafikiri, ingekuwa ndiyo tafsiri iliyo nzuri kuliko zote. Ingekuwa, juu ya “divai ya kiroho.” Kama vile ambavyo divai ya kawaida hujidhihirisha katika nguvu zinazochangamsha, vivyo hivyo na divai mpya, inapolifunua Neno la Mungu, ambalo ni Roho. Loo! Sasa kuna ninii . . . hiyo ni ninii . . . Unaona, Neno lenyewe ni Roho. Unaamini jambo hilo? [Kusanyiko linasema, “Amina.”—Mh.]

66 Hebu na tulisome. Hebu na tulisome, Yohana Mtakatifu 6. Hebu na tuninii tu . . . Naam, ndipo ha—ndipo ha—hamtasema, “Vema, sasa, mtu fulani alisema hivyo.” Hebu—hebu tuone ni Nani aliyesema hivyo, na ndipo tutajua kama ni Kweli, ama si kweli. Yohana Mtakatifu, sura ya 6. Na sura ya 6, nami ninaamini ni ya sitini . . . aya ya 63, vema, nafikiri ni hii. Naam.

Roho ndiyo itiyayo uzima, mwili haufai kitu; maneno hayo ninayowaambia ni roho, tena ni uzima.

67 Neno Lenyewe ni Roho. Ni Roho katika umbo la Neno. Na halafu, unaona, linapohuishwa, ama kufanywa hai, huyo Roho wa Neno anaanza kufanya kazi na kutekeleza. Unaona? Kwa sababu kwamba . . .

68 Sasa angalia hapa. Wazo halina budi kuwa wazo kabla halijakuwa neno. Na halafu wazo linapotamkwa, ni neno. Sasa, *hili* ni wazo la Mungu aliloliweka kweye Neno. Na basi wakati tunapolipokea kutoka Kwake, linakuwa ni Neno.

69 Mungu alimfunuliwa Musa la kufanya. Musa akalineni, nalo likatokea. Unaona? Ndio hivyo, wakati kweli linatoka kwa Mungu.

70 Sasa tunaona, ya kwamba—ya kwamba lina—linachangamsha na kuleta furaha, kwa sababu Hilo ni Neno la Mungu. Na divai mpya, divai mpya huchangamsha ninii . . . wakati inapolifunua Neno. Halafu, inaleta furaha iliyozidi kipimo, wakati mwingine. Tulipitia jambo hilo, ya kwamba linakuletea furaha mpaka unafurika.

71 Sasa, ninajua kuna ushupavu mwingi sana wa dini, na watu wakipiga makelele yasiyo na maana. Ninajua wakati mwingine wao wanafanya jambo hilo wakati muziki unarukaruka, na kila kitu. Nami ninajua hilo hutokea. Nami ni—ninaamini jambo hilo, pia. Lakini nimewaona watu katika siku ambazo, mradi tu muziki unacheza, kila mtu alikuwa anaruka na kupiga makelele; lakini muziki ulipokoma, ikakoma. Unaona? Ninaamini . . . Vema, hilo, hilo bado ni sawa, nionavyo mimi, unaona, mradi tu watu wanaishi maisha yaliyonyooka. Na . . .

72 Lakini, sasa, nini, ukianza kulileta Neno! Sasa, hicho ndicho kitu hasa ambacho kinaleta Uzima, ni Neno, na hilo linaleta furaha ya changamko la divai mpya. Unaona? Naam. Na hivyo

ndivyo ilivyokuwa wakati ule wa Pentekoste, wakati Neno lilipothibitishwa.

⁷³ Sasa angalia. Sasa, Yesu aliwaambia, Luka 24:49, “Tazama, ninawaletea ahadi ya Baba Yangu juu yenu; lakini enendeni Yerusalemu na mngojee hata.” Ahadi ya Baba ilikuwa ni nini? Yoeli 2:28, mbona, tunaona, Yeye anaenda “kumwaga Roho.” Katika Isaya 28:19, jinsi kungekuwako na “midomo vya kuguguma maneno, na lugha nyingine,” na mambo yote haya.

⁷⁴ Wao walienda kule. Na kama tulivyopitia jambo hilo, labda mmoja alisema, “Vema, ninaamini tumengojea muda mrefu vya kutosha. Hebu na tulikubali tu kwa imani.” Hilo lilikuwa ni fundisho zuri la Kibatisti, lakini halikuwafaa hao ndugu.

⁷⁵ Kwa hiyo basi, muda si muda unajua, lilipaswa kuwa ni jambo halisi. Nao wakangojea huduma yao, Neno lipate kutimizwa. Na unapokuja kumtafuta Roho Mtakatifu, unafanya vivyo hivyo.

⁷⁶ Naam, unaweza kumkubali kwa imani. Huna budi kumkubali Kristo kwa imani. Hilo ni sawa kabisa. Pia unamkubali Roho Mtakatifu kwa imani; lakini basi acha Roho Mtakatifu aje na akupe tohara, kama ushahidi ya kwamba Yeye ameikubali imani yako, unaona. Basi, unaona, “Ibrahimu alimwamini Mungu, na akahesabiwa kwamba ana haki.” Lakini Mungu alimpa ishara ya tohara, kama thibitisho la Yeye kuikubali imani yake.

⁷⁷ Kwa hiyo hilo ndio jambo lile lile tunalopaswa kufanya. Hatuna budi kumngojea Roho Mtakatifu mpaka amefanya jambo fulani; si lazima ati kwa sababu tu tulinena kwa lugha, si kwa sababu tumecheza, ama tulishikwa na mwamsho, tulipiga makelele. Ni mpaka tumebadilishwa; mpaka kitu fulani kweli kimetendeka! Sijali anakuja kwa hali gani. Bora tu ilitendeka, hilo ndilo jambo muhimu. Unaona?

⁷⁸ Nami ninaamini ya kwamba kunena kwa lugha na mambo haya mengine yote ni sawa, lakini hilo pekee halitafaa kitu. Nanyi mnajua halitafaa kitu. Kwa hiyo, halifai kitu.

⁷⁹ Nimeona wachawi wakinena kwa lugha, nimewaona walozi wakinena kwa lugha na kucheza katika roho. Kweli. Wanaweka penseli chini na inaandika katika lugha zisizojulikana. Na mtu fulani anazitafsiri, hiyo ni kweli, na inasema kweli. Hiyo ni kweli. Ikaandika yale hasa yaliyokuwa yametendeka, na yalikuwa ni vile vile kabisa. Niliwaona wakitupa mavumbi kichwani mwao, na kujikata-kata kwa visu, na kujipaka damu ya nyumbu ama cho chote kile, na—na, hakika, mnaona, na kumwita Ibilisi. Kwa hiyo, unaona, hilo halininii . . .

⁸⁰ Kunena kwa lugha siye. “Nijaponena kwa lugha za wanadamu na za Malaika, na nisiwe na upendo, hainifai kitu. Unaona, ingawa ningeweza kunena!” Unaona? Kwa hiyo mambo hayo hayamaanishi ya kwamba una Roho Mtakatifu.

⁸¹ Lakini wakati Yeye, ule Utu, Ro—Roho wa Kristo asiyepatikana na mauti, anapokuwa Mwokozi wako binafsi, na anakubadilisha, na kutupa maoni yako moja kwa moja mpaka Kalvari na kwenye Neno hili, jambo fulani limetukia. Naam, bwana. Jambo fulani limetukia. Si lazima mtu akwambie kuhusu hilo. Utajua litakapotukia.

⁸² Na divai mpya, inapoleta ufunuo, ndipo Hilo—hilo limefunuliwa.

⁸³ Na hivyo ndivyo ilivyokuwa pale Pentekoste. Wao walijua ya kwamba—ya kwamba kulipaswa kuwe na Roho atakayemwagwa juu yao, nao walingojea mpaka jambo hili lilipotukia. Na wakati lile thibitisho la ufunuo lilipotukia, basi changamko lilikuwa juu yao. Bila shaka walichangamka. Walifurika sana, pia. Hao, moja kwa moja wakaingia mitaani; ambapo, walikuwa wanaogopa, na walikuwa wamefunga milango. Nao walikuwa wametoka kuingia mitaani; ambapo, walikuwa wameogopa kundi la watu; wakiwahubiria Injili! Hiyo ni kweli. Unaona? Jambo fulani lilikuwa limetukia, kwa sababu Neno la kweli la ahadi lilikuwa limethibitishwa.

⁸⁴ Sasa hebu na tusimame hapa kidogo. Kama jambo hilo lilileta uhakika kama huo kwa watu hao, hata wao—wao... Karibu kila mmoja wao akatia muhuri ushuhuda wake kwa damu yao. Haidhuru ni kitu gani kilichotokea, mradi walikuwa hai, wao hawakusahau jambo Hilo. Lilidumu pale, kwa maana lilikuwa ni Neno la kweli la ahadi, lililothibitishwa. Ule ufunuo ukawa umethibitishwa. Nao wakafa, wakitia ushuhuda wao muhuri kwa damu yao wenyewe.

⁸⁵ Sasa angalieni ahadi ya siku za mwisho. Na hapa tunaiona ikithibitishwa papa hapa mbele zetu, ku—kule kuja sasa kwa Roho Mtakatifu na kazi zile ambazo alipaswa kufanya, nasi tunazona moja kwa moja miongoni mwetu. Unaona? Loo! inatupasa... Loo! jamani! Tunawezaje kusikia? Jambo fulani linatukia, ninakwambia, rafiki! Wakati mwamini halisi, wa kweli, mwaminifu, aliyekusudiwa tangu zamani, wakati hiyo Nuru inapoigusa hiyo mbegu, mara moja kitu fulani kinapata Uzima mpya. Maskini mwanamke yule pale kisimani!

⁸⁶ Wakati, hao makasisi walio wasomi walipokuwa wamesema, “Vema, huyo ni Ibilisi. Yeye ni mpiga ramli. Yeye—Yeye anawaagulia tu hao watu. Na Yeye—Yeye ni ibilisi.

⁸⁷ Lakini, wakati, maskini mwanamke yule akiwa na ile mbegu iliyokusudiwa tangu zamani! Sasa mnafikiri jambo hilo si kweli? Lakini Yesu alisema, “Hakuna mtu anayeweza kuja, asipovutwa na Baba Yangu; na wote alionipa Baba watakuja.” Naye... .

⁸⁸ Na mpinga-Kristo, katika siku za mwisho, ataweza... Roho ile ya mpinga-Kristo ambayo tunasoma habari zake, katika umadhehebu, na kuthibitisha ya kwamba umadhehebu ni upinga-Kristo. Sasa, isitoshe, mtu ye yote anayeweza kutoka

hapa namna hiyo, yeye, kuna kasoro, na aendelee kuamini ya kwamba utaratibu wa kimadhehebu si upinga-Kristo. Wakati, imethibitishwa kabisa, kutoka kwenye historia, kutoka katika kila kitu kilichoko, moja kwa moja kupitia katika Biblia yote ya Mungu na cho chote kile, ni upinga-Kristo. Na Rumi ndiye kiongozi wake. Na binti zake makanisa wanafuata moja kwa moja. Na wote wawili watatupwa katika kuzimu. Hiyo ni kweli. Kwa hiyo tunaona jambo hili, mpinga-Kristo, roho yake.

⁸⁹ Na siku tunayoishi, na, mbona, inapaswa kuleta “furaha isiyoneneka na iliyojaa utukufu.” Maskini mwanamke yule mchafu, mara jambo hilo lilipoingia moyoni mwake, jamani, ile mbegu ikapasua na kutokeza!

⁹⁰ Sasa, kumbukeni, Biblia inasema, ya kwamba katika siku ya mwisho, ya kwamba mpinga-Kristo huyu “angeudanganya ulimwengu mzima.”

⁹¹ Kutakuwako tu na wachache, ambao majina yao yaliandikwa katika Kitabu cha Uzima cha Mwana-Kondoo kabla ya kuwekwa misingi ya ulimwengu. Na wakati hilo thibitisho la Kweli la Neno la Mungu lililofunuliwa litakapoingia kwenye moyo huo, yeye atakimbilia majini, na atokee kule ng’ambo ya pili akiwa na Roho Mtakatifu, upesi tu awezavyo. Nawe huwezi kumzuia kufanya jambo hilo, kwa maana ule Uzima mpya ulitenda kazi.

⁹² Nilikuwa nikizungumza na mtu fulani, si muda mrefu uliopita, alikuwa akijaribu kujadiliana nami, na kusema, “Je! huoni haya kusema ya kwamba ‘Mungu aliumba mbingu na nchi katika siku tatu. . . ama katika siku sita?’”

Nikasema, “Hivyo ndivyo Biblia ilivyosema.”

⁹³ Kasema, “Vema, tuna ushahidi na tunaweza kuthibitisha ya kwamba ulimwengu una umri wa mamilioni ya miaka.”

⁹⁴ Nikasema, “Hilo halikuwa na uhusiano wo wote na jambo hilo. Katika mwanzo 1:1, ilisema, ‘Hapo mwanzo Mungu aliumba mbingu na nchi.’ Kipindi! Hakuna cha zaidi, unaona. ‘Basi nchi ilikuwa ukiwa, tena utupu.’” Ndipo nikasema, “Ninaamini kila mbegu ilikuwa imekaa pale, kutokana na ustaarabu mwingine ama cho chote kile. Na mara maji yalipoondoka, nayo nuru ikaiangaza, hapo ikatokea miti na kila kitu.”

⁹⁵ Na ni jambo lile lile kwa mwanadamu, ni mfano. Wakati u—u—ukungu wote ulipokwisha kuondoka, na Kweli iliyofunuliwa kwa mbegu ile halisi iliyokaa pale, ingali ina uhai, nayo Nuru ya Injili inaweza kuiangaza kwa thibitisho la kweli la Neno, itaishi. Ina Uzima ndani yake. Itaamini. Nje ya jambo hilo, haiwezi kuishi; haina Uzima ndani yake.

⁹⁶ Majina hayo yaliwekwa katika Kitabu cha Uzima cha Mwana-Kondoo kabla ya kuwekwa misingi ya ulimwengu, yatatokea bila shaka yo yote kabisa. Na hiyo ndiyo sababu

Yesu anaketi Pale pale, na anangojea akifanya kazi Yake ya upatanisho, mpaka ile mbegu ya mwisho. Na Yeye atajua ni wakati gani hasa itakapowasili.

⁹⁷ Kama vile Dk. Lee Vayle...Nadhani yungalipo hapa mkutanoni mahali fulani. Sijamwona kwa siku nyingi. Siadhani nimemwona. [Ndugu fulani anasema, “Yuko hapa.”—Mh.] Yuko hapa. Vema, juzi juzi alinitumia kijikaratasi hiki, kuhusu yale aliyosema Ireneo. Vema, nilimchukua Ireneo, tangu zamani, kuwa malaika wa wakati ule aliokuwa akiishi. Ila Yeye alisema, “Wakati yule mshiriki wa mwisho wa ule Mwili atakapokwisha kuingia,” katika wakati huu wa mwisho, “anapaswa kuingia... jambo hilo litafunuliwa wakati huo.” Na ndio hili hapa. Ni jambo la kweli. Unaona? Tuko katika siku hiyo. Vema.

⁹⁸ Halafu, Pentekoste ilikuwa na furaha iliyofurika. Wao kweli walichangamshwa. Nafikiri, inamchangamsha mtu ye yote.

⁹⁹ Hebu na tuchukue muda kidogo tu. Hebu na tuwazie juu ya Daudi. Yeye—yeye alijaa furaha kweli kweli, pia. Alisema, “Kikombe changu kinafurika.” Ninaamini yeye kweli alikuwa na—alikuwa na tukio kubwa sana maishani mwake. Ni nini, ni kitu gani kilichomfanya kufanya jambo hilo? Wakati alipokuwa katika Roho... Kwa kuwa, yeye alikuwa nabii. Tunajua alikuwa nabii. Biblia ilisema hivyo. Nabii Daudi, sasa, kwa maana yeye alikuwa ni nabii, naye alikuwa katika Roho, na akaona ule ufufuo. Kama ungetaka kusoma jambo hilo, liko katika Zaburi 16:8 hadi 11. Yeye alisema, “Kwa hiyo moyo wangu ulifurahi. Jamani! ni—ninakaa katika tumaini, kwa maana hutakuachia kuzimu nafsi yangu; wala hutamtoa Mtakatifu Wako aone uharibibifu.” Nami nawaambia, kikombe chake kilifurika, maana aliona. Haidhuru ilikuwa ni nini; loo! yeye aliuona ufufuo, na kweli yeye alikuwa...na kikombe chake kikafurika.

¹⁰⁰ Tena, Daudi alikuwa na kikombe kingine kilichofurika, katika Samweli wa Pili, (kwa kuwa mmetoa penseli zenu), Samweli wa Pili 6:14. Kulikuwako na kipindi cha ukame.

¹⁰¹ Wao walikuwa wamechukua lile sanduku. Adui alikuwa ameingia na kuchukua sanduku la Bwana, nao walikuwa wamelichukua huko na kuliweka mbele ya Dagoni, naye Dagoni akaanguka kifudufudi. Basi wakalipeleka katika mji mwingine, na mapigo yakatokea. Ilikuwa... Hicho kilikuwa ni kitu chenye joto sana walichowahi kushika kwa mikono yao, nchi kule. Nao hawakuweza kuliondoa mkononi mwao, kwa maana lilikuwa haliko mahali pake.

¹⁰² Sasa, wakati walipoliweka kwenye gari la ng’ombe, na wakaanza kurudi. Na wakati Daudi alipoliona lile sanduku likija, mnajua alilofanya? Ye—yeye alifurika sana, na kikombe chake kikafurika; lile changamko! Wakati alipoona Neno likifunuliwa katika Israeli tena, yeye alicheza katika Roho,

akazunguka, na kuzunguka, na kuzunguka, na kuzunguka, na kuzunguka, namna hiyo. Naam. Kikombe chake kilifurika, unaona. Kwa nini? Yeye aliona Neno likirudi.

¹⁰³ Nafikiri jambo hilo lingemfanya mtu ye yote achangamke kidogo wanapoona, baada ya miaka hii yote; na halafu lile Neno la kweli, kwa ahadi ya kwamba lingefunuliwa, likihubiriwa na kuthibitishwa. Ni wakati mzuri jinsi gani! Ni wakati mzuri jinsi gani!

¹⁰⁴ Sasa hebu na tusome. Ni—nikiendelea kuzungumza, sitaufikia huu, nami nitawaweka ninyi nyote hapa mpaka saa nne na nusu. Niliwaachilia mapema jana usiku, kwa hiyo inanipasa kuwaweka muda mrefu sana usiku wa leo. [Kusanyuiko, “Amina.”—Mh.] Naam. Naam. La, nilikuwa tu nikiwatania. Mnaona? Mimi. . . Tunataka tu kama vile Bwana atakavyotungoza sasa.

Na alipoifungua muhuri ya nne, nikasikia sauti ya yule mwenye uhai wa nne akisema, Njoo uone!

¹⁰⁵ Sasa, “Wakati Mwana-Kondoo alipoufungua Muhuri wa Nne.” Hebu na tusimame hapo sasa. Muhuri wa Nne, sasa, ni Nani aliyefungua? Mwana-Kondoo. Kuna mtu mwingine aliyestahili? Hakuna mtu mwingine angaliweza kufanya jambo hilo. La. Mwana-Kondoo ndiye aliyefungua ule Muhuri wa Nne.

¹⁰⁶ Na yule—yule Mnyama wa nne, yule Mwenye Uhai kama tai, akamwambia Yohana, “Njoo, uone ile siri ya nne ya mpango wa ukombozi, iliyofichwa katika Kitabu hiki,” maana Mwana-Kondoo alikuwa anaufungua. Kwa maneno mengine, hivyo ndivyo alivyokuwa anasema. “Kuna siri ya nne hapa. Nimewaonyesha, katika mfano. Sasa, Yohana, sijui kama umefahamu Hilo, ama la.” Lakini, yeye aliandika yale aliyoyaona, lakini ilikuwa ni siri. Kwa hiyo, yeye aliandika yale aliyooona.

¹⁰⁷ Mwana-Kondoo alikuwa akivunja ile Mihuri, na Mungu bado hakuwa anaenda kuifunua. Iliachwa kwa ajili ya siku za mwisho. Unaona? Sasa, tulikuwa na mifano, na tumejaribu kuichunguza, na kufanikiwa sana mara kwa mara, unaona. Lakini tunajua Jambo Hilo limeendelea tu. Ila sasa, katika siku za mwisho, tunaweza kuangalia nyuma na kuona mahali lilipokuwa. Na hilo linapaswa kufanywa, jambo hilo, mwishoni mwa wakati wa kanisa, kabla tu ya kule Kunyakuliwa.

¹⁰⁸ Jinsi mtu ye yote anavyoweza kulifanya Kanisa lipitie kwenye ile Dhiki, mimi sijui. Lakini kwa nini lipitie kwenye Dhiki, wakati halina—halina dhambi hata moja? Ninamaanisha. . .Simaanishi kanisa; kanisa litapitia kwenye ile Dhiki kuu. Lakini ninazungumza juu ya Bibi—arusi. Bibi—arusi, la, Yeye hana dhambi anayohesabiwa, hata kidogo. Tayari imesafishwa, wala hapana hata ni—ninii. . . Hakuna hata harufu

yake, wala hakuna cho chote kilichosalia. Wao ni wakamilifu, mbele za Mungu. Kwa hiyo kuna haja gani ya Dhiki yo yote kuwasafisha? Lakini hao wengine watapitia. Kanisa linapitia kwenye ile Dhiki, lakini si Bibi-arusi.

¹⁰⁹ Sasa, sasa tulilichukua tu jambo hilo katika kila namna ya mifano sasa. Kama vile ka—kanisa, Nuhu, mfano wa waliopitia, aliishia dhambini. Unaona, sasa, wao walipitia. Lakini, Henoko alitangulia kwanza, huyo alikuwa ni mfano wa wale watakatifu watakaolingia, na kabla ya wakati wa ile Dhiki.

Sasa tunaona, Mwana-Kondoo huyu aliufungua ule Muhuri.

¹¹⁰ Sasa, Mwenye Uhai wa kwanza tunaona, kama ukiangalia, Mwenye Uhai wa kwanza tunaona, alikuwa nani. . . Mwenye Uhai wa kwanza alikuwa ni simba, Kiumbe hai; tuliona hilo katika kitabu cha mihu. . . cha nyakati za kanisa. Halafu Mwenye Uhai wa pili, ninaamini, alikuwa m—mfano wa makasai, ama ndama. Naye Mwenye Uhai wa tatu alikuwa na uso wa mwanadamu. Lakini yule Mwenye Uhai wa nne alikuwa na uso wa tai. Sasa hivyo ndivyo tulivyokuwa nao hasa, wakizunguka namna hiyo hasa. Na hivyo hata ndivyo hasa walivyowekwa kwenye Kitabu hapa.

¹¹¹ Na halafu kama vile mwalimu fulani mkuu, wakati mmoja huko Florida, akifundisha, akisema ya kwamba—ya kwamba ninii. . . ya kwamba, “Kitabu cha Matendo kilikuwa tu ni—ni fremu ya—ya Kanisa. Kanisa lilipatikana katika zile Injili nne.”

¹¹² Nasi tunaona, kinyume cha hayo, ya kwamba zile Injili nne ndizo zinazokilinda Kitabu cha Matendo. Ni kutokana na hizo Injili nne ambapo Kitabu cha Matendo kimeandikwa, Matendo ya Roho Mtakatifu katika mitume. Nasi tunaona, hapa katika Kitabu hicho, ya kwamba hao walinzi walikuwa wameketi pale wakiangalia; mashariki, kaskazini, magharibi, na kusini. Mnakumbuka jinsi tulivyolichora hilo hapa? Na jinsi kila kitu kilivyogonga mahali pake vizuri kabisa na kikamilifu juu ya alama!

¹¹³ Sasa nataka mwone. Kasema, “Njoo uone.” Yohana. . . Sasa nataka mwone tena, kwanza jambo hili. Sasa, huyu hapa ni mpanda farasi wa mwisho kati ya wale wapanda farasi, kufunua kule kutenda kazi kwa mpinga-Kristo.

Kesho usiku, tutaingilia zile roho zilizo chini ya madhabahu.

Usiku unaofuata, zile hukumu.

¹¹⁴ Usiku ujao, kule kumalizika, kwa—kwa mwisho wa wakati, mwisho wa wakati, wa mambo yote, mnaona, wakati Bibi-arusi atakaponyakuliwa. Kwa hiyo, papo hapa kwenye ule Muhuri wa Saba pale, Vitasu vinamiminika, na kila kitu kingine kinamwagwa. Kwamba hivyo ni nini, mimi sijui.

¹¹⁵ Angalia. Lakini sasa, kuhusu jambo hili hapa, tunaona ya kwamba jamaa huyu hapa ni tai, mtu huyu ambaye. . . ama

huyu Mwenye uhai anayemwagwa hapa sasa. Ama, kwa maneno mengine, kuna nyakati Zake nne mbalimbali. Kulikuwako na wakati wa simba. Na, tunaona, huu ukiwa ndio wakati wa nne.

¹¹⁶ Naye akasema, “Njoo uone ile siri ya nne ya Kitabu cha Ukombozi, ambayo imefichwa katika Kitabu hiki. Njoo, uone.” Ndipo Yohana akaondoka akaenda kuona, naye akaona farasi wa kijivujivu. Na, tena, mpanda farasi yule yule juu ya farasi huyu wa kijivujivu.

¹¹⁷ Sasa yeye ana jina linaloitwa Mauti. Sasa angalia. Hakuna hata mmoja wa wale wapanda farasi wengine, hakuna hata mmoja wa wale farasi wengine, ama hakuna wakati ambapo huyu mpanda farasi aliwahi kupanda, hawakuwa na ninii; mtu huyo hakuwa na jina. Lakini sasa yeye anaitwa Mauti. Halitajwi. Unaona? Sasa yeye anafunuliwa. Jina lake ni mauti.

¹¹⁸ Vema, jinsi tungaliweza kukaa kwenye jambo hilo tulete mahubiri, na kulifanya wazi kweli kweli! Lakini cho chote ambacho ni kinyume, ambacho ni kinyume cha kitu hicho halisi, hakina budi kuwa ni mauti. Kwa sababu, kuna mambo mawili tu, hayo ni, Uzima na mauti. Na hilo linathibitisha ya kwamba ufunuo wa Roho Mtakatifu wa jambo hili, katika siku hii, ni Kweli kabisa. Yule mpinzani, yeye ni mauti. Kwa sababu, Neno, kama tutakavyoona baadaye hapa, ni Uzima. Unaona?

¹¹⁹ Na mtu huyu anaitwa Mauti. Sasa, halikutajwa kwenye zile nyakati nyingine, kuhusiana na mpanda farasi huyu. Lakini, tangu wakati huo, sasa limetajwa, ya kwamba yeye anaitwa Mauti.

¹²⁰ Lakini chini ya ufunuo wa simba. . . Sasa angalia. Sasa ninataka kusoma jambo hili kwa makini, nipate kuwa na hakika; niliandika, mahali fulani, nikisimama hapa. Chini ya ninii, si chini ya ufunuo wa wakati wa simba, ama wa wakati wa kwanza, ule wakati wa mwanzoni, Hili halikufunuliwa. Wakati uliofuata ulikuwa ni wakati wa maksai, ambao ndio wakati wa giza, ule wakati wa katikati, haikufunuliwa ilikuwa ni Kitu gani. Wala yule Mwenye Uhai aliyefanana na mwanadamu, wa hekima, akiwakilisha wale watengenezaji, Luther na Wesley na kadhalika, halikufunuliwa. Lakini katika wakati wa tai, ule wakati wa mwisho, ule wakati wa kinabii, ambapo patatokea sauti ya kinabii, unaona, ambaye daima hujiliwa na siri! Sasa hapo ndipo tunaninii tu. . .

¹²¹ Tutakaa kwenye jambo hilo kwa muda kidogo, usiku wa leo, ili kwamba mfahamu vizuri kabisa. Sasa, katika nyakati karibu zote, mnatambua, hawa. . . Mimi sizungumzii kundi hili hapa tu. Kanda hizi zinaenda kila mahali, unaona, nami sina budi kulielezea wazi wazi. Maana, mtu fulani atapata kanda moja tu, na halafu, kama hawatapata hizo nyingine, wanakwama kabisa, unaona. Mungu amehidi jambo Hili, unaona, kwa ajili ya siku hii, kwa ajili ya mwisho, mwisho wa mambo

yote haya mbalimbali ambayo yameendelea na kuvurugwa. Sisi tunaninii. . .

¹²² Tumekuwa na mavazi ya Eliya. Tumekuwa na majoho ya Eliya. Loo! kumekuwa na watu ambao. . . John Alexander Dowie amezikwa kule juu, amefunikwa jo—joho. Yeye alisema alikuwa ni Elisha. Na tumekuwa na kila namna ya mambo kama hayo. Ni kitu gani, hata hivyo? Ni kusudi liondoe tu ile Kweli ambayo itaonyeshwa hadharani. Unaona? Walikuwa na makristo wa uongo kabla ya wakati wa Yesu. Unaona? Wao hufanya jambo hilo daima. Ni Shetani, anaigiza jambo halisi, ili kuihangaisha moyo na imani ya watu, kabla ya jambo lenyewe kutukia dhahiri. Ni hilo tu.

¹²³ Je! Gamalieli hakuwaambia Wayahudi jambo lile lile siku ile? Kasema, “Je! Hakukutokea aliyedai kuwa ndiye Huyu? Nao wakawapeleka mia nne huko nyikani. Waliangamia, na kadhalika.”

¹²⁴ Kasema, “Kila tawi ambalo Baba Yangu wa Mbinguni hakulipanda,” Yesu alisema, “litang’olewa.”

¹²⁵ Gamalieli akasema, “Waacheni. Kama wao, kama si jambo si la Mungu, je! si litavunjika? Lakini kama ni la Mungu, mtaonekana kwamba mnapingana na Mungu.” Huyu mtu alitumia hekima. Yeye alikuwa ni mwalimu.

¹²⁶ Sasa angalia. Sasa, ili kumaliza siri hizi zote, Mungu ameahidi ya kwamba kutakuwako na Elisha halisi atakayeinuka, mtu fulani aliyetiwa upako na Roho huyo, na itafunua. Yeye aliahidi jambo hilo katika Malaki 4. Nami nina maandishi na barua ambazo zinasema ya kwamba jambo hilo si kweli, lakini ningetaka kuzungumza na mtu huyo. Unaona? Mbona, huwezi kukana hilo. Mwanatheolojia ye yote halisi na wa kweli anajua jambo hilo litakuwa ni Kweli, ya kwamba wao wanamtazamia.

¹²⁷ Lakini itakuwa tu ni kama vile ilivyokuja kwa njia ya Yohana, yule mtangulizi wa mara ya kwanza wa Kristo. Mbona, wao hawakumtambua, kwa maana kulikuwa na mambo makuu sana yaliyotabiriwa juu yake. Mbona, yeye alikuwa “ashusha mahali pote palipoinuka, na mahali pote paliposhushwa kuinuliwa, mahali pote palipoparua pasawazishwe.” Na, loo! yeye. . . Manabii: Isaya, miaka mia saba na kumi na miwili kabla ya kuzaliwa kwake; na Malaki, miaka mia nne kabla hajatokea jukwaani; hao wote walitoa unabii juu yake. Nao walikuwa wakitarajia ukumbi fulani wa Mbinguni kushushwa, na nabii huyu atoke moja kwa moja ameshika fimbo yake mkononi mwake, akitoka kwa Mungu.

¹²⁸ Na ni kitu gani kilichotukia? Mtu ambaye hu-. . . hata hangeweza kuonyesha kadi ya ushirika. Hakuweza kuonyesha kitambulisho. Alikaa huko nje nyikani; hata hana elimu ya shule ya msingi. Tunaambiwa, na wanahistoria, ya kwamba yeye

alienda zake jangwani alipokuwa na umri wa miaka tisa, baada ya kifo cha baba yake na mama yake. Naye alilelewa. . . Kazi yake ilikuwa ni ya muhimu sana, asingeweza kujichafua na seminari fulani. . . Ilimbidi—ilimbidi kumtanga Masihi.

¹²⁹ Mungu hangeweza kumtumia mtu aliyeshindiliwa na kujaa theolojia. Hawezi kufanya hivyo, kwa maana huyo daima atarudi moja kwa moja alikotoka. Hiyo ndiyo fani yake aliyofundishwa. Anarudia hiyo. Kwa hiyo, akianza kwenda kuona jambo fulani, yeye hujaribu kurudi nyuma kwenye yale waalimu waliyokuwa wamesema. Ni afadhali kama ungeyakalia mbali mambo hayo, na umwamini Mungu tu.

¹³⁰ Basi tunaona ya kwamba wao walimkosa. Hata mitume wakiwa wamesimama pale, walimkosa. Mbona, wao walisema, “Mbona Maandiko yanasema, waandishi, wanasema ya kwamba Eliya. . .”

¹³¹ Akasema, “Vema, yeye ameshakuja tayari, wala hamkumjua.”

¹³² Na hapo ndipo ninapofananiha ufufuo, ama Kunyakuliwa. Utapita, nao wataninii. . . Ninajua jambo hilo linasikika ni la ajabu. Lakini labda mtajua zaidi kidogo baada ya usiku wa leo, Bwana akipenda, jinsi tu itakavyokuwa, mnaona. Kutakuwa kwa kisiri sana, hakuna mtu atakayejua habari zake, hata kidogo. Ulimwengu utafikiri tu, utaendelea moja kwa moja tu kama vile ulivyofanya sikuzote, unaona, na ninii tu. . . Hivyo ndivyo Yeye anavyofanya jambo hilo sikuzote.

¹³³ Unajua, ninatilia shaka kama mmoja—mmoja. . . Ninasema, asilimia moja ya tisini ya watu duniani, walijua Yesu Kristo alikuwa hapa wakati Yeye alipokuwa hapa. Mnajua, wakati Eliya alipotabiri, natilia shaka kama kulikuwa hata na mtu ye yote aliyejua ya kwamba yeye alikuwa ninii. . . Wao walijua kulikuwa na mwenda wazimu kule, mzee fulani mshupavu wa dini, bali walimchukia. Hakika. Yeye alikuwa kile walichoita wa kipekee.

¹³⁴ Nami nafikiri, Mkristo ye yote aliyezaliwa mara ya pili yeye ni wa kipekee kwa namna fulani, kwa—kwa ulimwengu, kwa maana umebadilishwa. Umetoka katika ulimwengu mwingine. Roho yake imetoka ng’ambo ya lile shimo kubwa. Na kitu hiki hapa kimechafuliwa sana. . . Halafu, endapo wewe—wewe si tofauti, kuna kasoro fulani; wewe, wewe ungali ni wa kidunia mno. Unapaswa kuwa mwenye nia ya Kimbingu. Na Mbinguni inaishi kwa Neno.

¹³⁵ Sasa, tunaona ya kwamba jambo hili—hili kubwa lilitukia. Sasa, tunaamini ya kwamba kunapaswa kuwe na kuja kwa Roho wa kweli wa Elisha. Imetabiriwa ya kwamba jambo hilo litatimia, mnaona. Nasi hatuna budi kukumbuka atakuja, katika majira yake na wakati wake. Huenda ikawa tunaweka msingi kwa ajili yake sasa. Wala haitakuwa ni madhehebu yo yote.

136 Si—sikubaliani na rafiki yangu mwema, juu ya jambo hilo. Yeye anasema litakuwa ni kundi la watu. Ninataka mnionyeshe jambo hilo kwa Maandiko. Mungu, Mungu asiyebadilika, habadilishi mipango Yake kamwe. Kama akiibadilisha, basi Yeye si Mungu; hiyo ni kweli, kwa maana Yeye ni binadamu apatikanaye na mauti, naye anajua kadiri tu nijuavyo mimi, Naye hufanya makosa.

137 Mungu hajabadilisha mpango Wake kamwe, tangu wakati ule wa mwanzo kabisa katika bustani ya Edeni. Yeye alifanya mpango wa ukombozi; huo ulikuwa ni ile Damu. Nasi tumejaribu elimu. Tumejaribu utawala wa mabavu. Tumejaribu saikolojia. Tumejaribu umadhehebu. Tumejaribu kila kitu, kuwakusanya watu pamoja, ama kupendana na kila mtu, na kila kitu kinginecho kile. Hakuna mahali pengine pa ushirika ila chini ya ile Damu, hata hivyo, ndipo mahali pekee ambapo Mungu anakutana na mwanadamu.

138 Mungu daima hushughulika ma mtu mmoja mmoja. Watu wawili wana mawazo mawili. Hakuwapata kuwako na manabii wawili wakuu duniani, wakitabiri kwa wakati ule ule. Angalia nyuma uone kama walikuwako. La, bwana. Kutatanika kwingi kupita kiasi! Yeye hana budi kumpata mtu mmoja aliyejitolea kabisa, na amtumie mtu huyo. Anamtafuta mtu huyo.

139 Lakini kutakuwako na mmoja, wakati mmoja, mtu fulani atakayemsikiliza, Neno kwa Neno. Sijali mtu mwingine ye yote anasema nini, wao hawatabanduka kwenye Hilo. Hiyo ni kweli. Watangojea BWANA ASEMA HIVI. Na, basi, wao hawatasogea mpaka waisikie hiyo. Yeye atathibitishwa barabara. Mtaninii . . .

140 Sasa, ulimwengu huko nje utachukia jambo hilo, lakini ule Uzao ulioteuliwa, Uzao uliochaguliwa tangu zamani, kama uliokuwako katika siku za Yesu, wakati Nuru hiyo imulikapo, Uzao huo utakuwa Hai namna *hiyo*. [Ndugu Branham anadata kidole chake mara moja—Mh.] Wao wataijua Hiyo. Wataifahamu. Haitakubidi kusema neno juu Yake.

141 Yeye alisema, “Bwana, ninaona ya kwamba Wewe ni nabii. Ninajua atakapokuja Masihi, Yeye anapaswa . . .”

Akasema, “Mimi Ndiye.”

142 Loo! hilo, hilo lilitosha. Haikumlazimu kungojea usiku kucha, na kungojea usiku uliofuata. Alilipata papo hapo. Alitoka akaenda zake. Alikuwa akitangaza habari za Hilo.

143 Sasa kumbukeni, sasa, katika wakati wa kwanza ulikuwa ni wakati wa simba. Huyu alikuwa ni Simba wa kabila ya Yuda, Kristo. Ushawishi wa Maisha Yake Mwenyewe, yaliushika wakati huo. Huyu ni yule *Mwenye Uhai* wa kwanza, ambalo linamaanisha “Nguvu,” ambaye alijibu kwa sauti ya mwanadamu.

144 Wakati uliofuata ulikuwa ni wakati wa maksai, ama wakati wa mpanda farasi mweusi. Unaona?

145 Sasa, sababu ya huu wakati wa kwanza kuwa wakati mweupe, ilikuwa kwamba . . . Kama—kama nilivyowasikia watu daima wakisema ya kwamba yule mpanda farasi wa kwanza, yule mweupe, alikuwa ni nguvu za kanisa, aliondoka akaenda kushinda. Nasi tuliona ya kwamba alipewa taji, ya kwamba huo ulikuwa ndio wenyewe hasa. Ilikuwa ni kanisa. Ilikuwa ni kanisa, lakini yeye alienda wapi? Alienda Rumi. Huko ndiko alikoenda. Alipokea taji yake.

146 Sasa, wakati wa pili ulikuwa—ulikuwa wa mpanda farasi mwekundu, ambao ulikuwa ni ule wakati wa giza.

147 Na sasa—sasa, wakati u—uliofuata, ulikuwa mwa—mwanadamu, wa wakati uliokuwa wa mpanda farasi mweusi. Naye alikuwa ni wa wakati wa watengenezaji, unaona, wakati ile—ile Sauti iliyonena. Sasa, yule mpanda farasi mweusi, huyo alikuwa ni yule mpinga—Kristo. Lakini yule aliyekuwa akinena katika wakati huo aliwakilishwa kama mwanadamu, na hiyo ni hekima, mwerevu, mjanja. Unaona? Nao hawakulipata, unaona. Hawakuita . . . Hawakumpa jina. Unaona? Walisema tu alienda zake.

148 Lakini sasa, unapokuja wakati wa tai, huo ndio ule ambao . . . Mungu daima huwafananisha manabii wake na tai. Yeye Mwenyewe hujiita tai. Tai huenda juu sana, hakuna kitu kingine cho chote kinachoweza kungusa. Si kwamba tu Yeye yuko huko juu, lakini ameumbwa kwa ajili ya mahali hapo. Wakati anapofika kule juu, yeye anaweza kuona mahali aliko. Watu wengine wanafika kule juu nao hawawezi kuona mahali waliko, kwa hiyo haifai kitu kwenda huko juu. Lakini kama ukininii . . .

149 Lakini wewe mwachilie kunguru ajaribu kuruka pamoja na tai, ama mwewe, mmoja wao, angevunjika vipande-vipande. Hana budi kutiwa presha kwa ajili ya mahali anakoenda.

150 Hiyo ndiyo shida leo, wengine wetu hatushinikizwi. Tunapasuka upesi sana, unaona, wakati tukiruka. Na, lakini, hatuna budi kutiwa presha.

151 Unapofika kule juu, nawe una jicho kali la tai, kuona kile kinachokuja, na kujua la kufanya. Sasa, wakati wa tai ulilifunua Hilo. Sasa tunaona, wakati ule wa tai uliahidiwa katika Ufunuo 10:7 na katika Malaki . . . 1,4. Hilo lingekuwa katika siku za mwisho, unaona, hiyo ni kweli, kwamba lingekuwapo hapo. Vema. Angalia.

152 Sasa, jamaa huyu, tunaona ya kwamba yeye amempanda farasi wa kijivujivu. Kijivujivu! Loo! jamani! Baadaye, angalia baadaye . . .

153 “Waprotestanti milioni sitini na nane,” kama tulivyotoa kwenye—kwenye kitabu cha Schmucker kinachoitwa *Glorious Reform*, cha—cha wafia imani wa Rumi, jana usiku. Tunaona ya kwamba, mpaka ilipofika mwaka wa 1500, ninaamini ilikuwa hivyo, ama kumi na nane. . . Sikumbuki sawasawa sasa. Lakini ilikuwa ni milioni sitini na nane waliouawa, kulipinga kanisa la kwanza la Kirumi, Rumi. Si ajabu, yeye angejiigiza katika jina la kibinadamu la . . . na akaitwa Mauti. Hakika alikuwa Mauti.

154 Sasa, Mungu pekee ndiye anayejua wale aliowafanya wafe kiroho, kwa mafundisho yake yanayopingana na Biblia, yanayopingana na Neno! Hawa ni wale milioni sitini na nane aliowaua kwa upanga, na kuwaua. Na labda, hasa hasa, mabilioni walikufa kiroho, kwa mafundisho yake ya uongo. Si ajabu yeye angeweza kuchukua jina la Mauti!

155 Unaona huyo mpanda farasi? Kwanza, kama mpinga-Kristo, yeye alikuwa ni mauti, kwanza; bali alikuwa wakati huo. Ndipo akapokea taji, taji yenye sehemu tatu; na wakati alipoipata, basi akaunganisha, Shetani aliunganisha kanisa lake na taifa, kwa sababu yeye alikuwa anatawala vyote viwili wakati huo. Mpinga-Kristo alikuwa ni Shetani, katika umbile la mwanadamu.

156 Na halafu, pia, Mathayo Mtakatifu, ninaamini ndiyo, sura ya 4, inatwambia jambo hilo—jambo hilo. Shetani alimchukua Yesu, Bwana wetu, akampandisha, na kumwonyesha falme za ulimwengu, zote, katika dakika moja, na fahari zake, akataka kuzimpa Yeye. Naye akasema . . . Hizo, hizo zilikuwa ni zake.

157 Kwa hiyo, unaona, basi, kama anaweza kuunganisha taifa lake na kanisa pamoja, basi yule mpanda farasi mwekundu angeweza kutawala, bila shaka kabisa. Unaona? Hakika! Sasa, basi, tunaona siri yake hapa, katika kanisa lake na taifa.

158 Hatua ya nne ya huduma yake, yeye anaitwa mnyama. Kwanza yeye anaitwa mpinga-Kristo, unaona; halafu anaitwa nabii wa uongo; kisha anaitwa mnyama. Sasa tunamwona hapa akiitwa kama mnyama. Sasa, ninawatakeni mwone, hiyo ni baada ya yule farasi wa nne.

159 Na katika farasi huyu wa nne, kama utaangalia, wote. . . Wa kwanza alikuwa ni mweupe; na halafu huyo mwingine alikuwa ni mwekundu; na huyo mwingine alikuwa mweusi; na yule wa nne, hawa wengine wote watatu waliwakilishwa ndani yake; kwa sababu, kijivujivu ni nyekundu na—na nyeupe, na kadhalika, zimechanganywa pamoja. Unaona? Yeye. . . Zote zilichanganywa katika farasi huyu mmoja. Unaona? Na hapo akawa wa nne, ama, hasa, wale watatu katika mmoja. Na wote walikuwa wamechanganywa katika kitu hicho kimoja.

160 Sasa nawatakeni mwangalie hao wanne. Angalieni alama ya nje, ya nne, ya hesabu za kiroho. Mungu ni tatu-tatu. Huyu ni nne. Yeye yuko katika nne, hapa. Kwanza, mpinga-

Kristo, mweupe; pili, nabii wa uongo, mwekundu; tatu, halifa wa mbingu na nchi na—na pergatorio, mweusi; nne, yule mnyama, farasi wa kijivujivu, Shetani akifukuzwa Mbinguni. Mnataka kusoma jambo hilo? Ufunuo 12:13, Shetani akifukuzwa Mbinguni. Halafu katika Ufunuo 13:1, 8, yeye anafanyika mwili katika utu wa yule mnyama.

¹⁶¹ Yeye mara ya kwanza ni mpinga-Kristo, fundisho tu—tu liitwalo Unikolai; halafu anakuwa, kutoka hapo, anakuwa nabii wa uongo. Kama yeye ni mpinga-Kristo, mpinga-Kristo ni *dhidi* ya. Kitu cho chote kinacholipinga Neno la Mungu kinampinga Mungu, kwa maana Neno ni Mungu. “Hapo mwanzo kulikuwako Neno, naye Neno alikuwako kwa Mungu, naye Neno alifanyika mwili, Kristo, akakaa kwetu.” Na sasa yeye analipinga Neno, kwa hiyo yeye ni mpinga-Kristo. Lakini roho haiwezi kutiwa taji; hiyo ndiyo sababu hakupokea taji. Uta tu, bila mishale.

¹⁶² Na ndipo alipokuja, ule wakati wa kutiwa taji, ndipo akawa nabii wa uongo wa mafundisho yake ya mpinga-Kristo. Mnalipata? Ndipo anachukua upanga, kwa sababu anaunganisha nguvu zake pamoja, ndipo haimbidi kumwuliza mtu ye yote. Yeye ni mtawala wa taifa; yeye ni mtawala wa Mbinguni. Anapokea taji yenye sehemu tatu. Anajibunia wazo fulani linaloitwa “pergatorio.” Ambapo, kama—kama wengine wao walikufa kule nyuma, nao wana fedha, wakitaka kuwalipia watoke, yeye angeweza kuwaombea watoke humo. Maana, yeye ana uwezo wa kufanya hivyo; yeye ni *halifa*. Bila shaka, ndivyo alivyo. “Anapachukua mahali pa Mungu, duniani.” Bila shaka jambo hilo ni dhahiri kweli kweli!

¹⁶³ Tunaona hilo, tunalitoa, kwenye Biblia nzima, na kuhesabu namba za numerali zake na cho chote kile. Huyu hapa . . . ? . . . moja kwa moja nyuma hapa katika namba nne, si namba tatu. Namba nne, unaona.

¹⁶⁴ Sasa, hebu na tufungue, Ufunuo 12. Hebu na tusome hili tu kidogo, maana tu—tutapata wakati wa kufanya hivyo. Na tusome Ufunuo m—mlango wa 12 na aya ya 13. “Na kwa wakati ule kukawa na tetemeko kuu la ardhi. . .” La, nimefungua—nimefungua mahali pengine. Ya 13:

Na joka yule alipoona ya kuwa ametupwa katika nchi, alimwudhi mwanamke yule aliyemzaa mtoto mwanamume.

¹⁶⁵ Sasa, unaona, yeye alitupwa nje, ya nchi, na anafanyika mwili, wakati roho wa mpinga-Kristo alipofanyika mwili katika mwanadamu. Mtu huyo anabadilika kutoka kitu kimoja kuwa kingine, kutoka roho ya mpinga-Kristo hadi kuwa nabii wa uongo, na halafu yule mnyama anaingia ndani yake.

¹⁶⁶ Ni kama vile vile tu Kanisa linavyokua; kanisa lake lilisafiri toka—toka mpinga-Kristo hadi nabii wa uongo, na, katika ule wakati wa kumalizia utakaokuja, anakuwa yule

mnyama atakayeinuka. Kwa hiyo, Kanisa linakuja vivyo hivyo, kupitia kuhesabiwa haki, kutakaswa, na ubatizo wa Roho Mtakatifu, ni Kristo akiwa ndani ya watu, barabara kabisa. Naye ana mfano Wake ulio kinyume chake hapa, ule . . . unaona, namaanisha, mfano Wake. Huyu hapo, barabara hasa. Huyo ni yeye. Anafukuzwa Mbinguni.

167 Sasa tunaona, katika Ufunuo 13:1 mpaka 8.

Nami nilisimama juu ya mchanga wa bahari, kisha nikaona mnyama akitoka . . .

168 Sasa, hii hapa ya 12, ambapo alifukuzwa. Sasa angalia.

. . . nikaona mnyama akitoka katika bahari, mwenye vichwa saba, na pembe kumi, na juu ya pembe zake vilemba kumi, na juu ya kichwa chake jina la makufuru.

Na yule mnyama niliyemwona alikuwa mfano wa chui, na miguu yake . . .

169 Loo! kama tu tungalikuwa na wakati sasa, tungechukua usiku uliosalia, moja kwa moja kuhusu ile mifano pale, na kuonyesha, kuileta moja kwa moja kwake tena. Ye yote, karibu ninyi nyote mnajua jambo hilo, kutoka kwenye masomo mengine.

. . . ilikuwa . . . miguu ya dubu, na kinywa chake . . . kinywa cha simba; yule joka akampa nguvu zake . . . kiti . . . na uwezo . . .

170 A-ha! Shetani aliyefanyika mwili! Unaona?

Nikaona kimoja cha vichwa vyake kama . . . kwamba kimetiwa jeraha la mauti, . . .

171 Na kuendelea mbele, tunapoendelea, kama mkitaka kufanya hivyo, mtakapopata nafasi ya kuendelea kusoma. La, hebu—hebu na tusome tu kidogo.

Nikaona kimoja cha vichwa vyake kana kwamba kimetiwa jeraha . . . mauti, na pigo lake la mauti likapona. Dunia yote ikamstaajabia mnyama yule.

172 Angalia tu! Msiuangelie ukomunisti kamwe. Huo si kitu ila chombo, kinachocheza mikononi mwa Mungu, kuwasaidieni ninyi siku moja, “kujilipizia kisasi ile damu,” kama tutakavyoona kesho usiku. Mnaona?

Wakamsujudu yule joka . . .

173 Yule joka alikuwa ni nani? Shetani. Hiyo ni kweli? “Yule joka mwekundu.” Vema.

. . . aliyempa uwezo yule mnyama; . . . (ambako alipata nguvu zake, unaona): nao wakamsujudu yule mnyama, wakisema, Ni nani afananaye na mnyama huyu? Tena ni nani awezaye kufanya vita naye?

Naye akapewa kinywa cha kunena maneno makuu, ya kufuru. Akapewa uwezo wa kufanya kazi yake miezi arobaini na miwili.

Akafunua kinywa chake amtukane Mungu, . . . (Haya basi, unaona. Vema.) . . . na kulitukana jina lake, (kumpa cheo) . . . maskani yake, . . . (ambayo ni makao ya Roho Mtakatifu), . . .

174 Kupafanya mahali fulani kule Rumi, Mji wa Vatican. Unaweza kuendelea tu mbele:

. . . nao wakaao mbinguni.

175 Akawatukana hao, kwa kusema walikuwa ni wapatanishi.

Tena akapewa kufanya vita na watakatifu (naye aliwapiga vita), na kuwashinda, (naye aliwashinda): . . .

176 Akawachoma juu ya nguzo ya mti! Akawalisha kwa simba! Na akawaua kwa njia yo yote aliyoweza!

. . . akapewa uwezo juu ya kila kabila na jamaa . . . lugha na mataifa.

177 Haikutendeka hivyo huko Rumi mpaka Rumi ya kipagani ilipogeuzwa ikawa Rumi ya kipapa, na nguvu za Kikatoliki zikaenea ulimwenguni, wakaunda kanisa Katoliki la dunia nzima.

Na watu wote wakaao juu ya nchi watamsujudu, kila ambaye jina lake halikuandikwa katika kitabu . . .

178 “Usiguse Mafuta Yangu wala divai!” Unaona?

Na watu wote wakaao juu ya nchi watamsujudu, kila ambaye jina lake halikuandikwa katika kitabu cha Uzima cha Mwana-Kondoo, aliyechinjwa tangu kuwekwa misingi ya dunia.

Mtu akiwa na sikio na asikie.

Mtu akichukua mateka, atachukuliwa mateka. Mtu akiua kwa upanga, atauawa kwa upanga. Hapa ndipo penye subira na imani ya watakatifu.

179 Sasa, tulimwona akija, jana usiku, na upanga wake mkuu, kuua.

180 Tunaona ya kwamba yeye anauawa kwa upanga, pia, upanga wa Neno. Neno la Mungu, kali, upanga wenye makali kuwili, unamwua, unamwangusha moja kwa moja chini. Ngojeni mpaka hizo Ngurumo Saba zitakapotoa sauti Zao, kwa kundi lile ambalo kweli linaweza kuchukua Neno la Mungu na kulishika pale, litakata vipande vipande na kukata. Nao wanaweza kufunga mbingu. Wanaweza kufunga *hiki*, ama kufanya *vile*, lo lote wanalotaka kufanya. Utukufu! Yeye atauawa kwa Neno litokalo katika kinywa Chake, ni kali kuliko upanga wenye makali kuwili. Wanaweza kuagiza tani bilioni mia moja za inzi kama wakitaka. Amina. Lo lote watakalosema, litatukia, kwa

maana ni Neno la Mungu likitoka katika kinywa cha Mungu. Naam. Amina. Mungu, daima, Hilo ni Neno Lake, lakini daima Yeye hutumia mwanadamu kulifanyiza kazi.

¹⁸¹ Mungu angeweza kuwaita hao inzi, kule Misri, lakini Yeye alisema, “Musa, hiyo ni kazi yako. Nitakwambia tu la kufanya, nawe uondoke uende ukalifanye.” Yeye alifanya hivyo kikamilifu. Unaona? Yeye—Yeye angeweza kuchagua ju—jua kuwaita, Angeweza kuufanya mwezi uwaite, ama upepo uwaite. Lakini, Yeye—Yeye alisema, “Musa.” Hilo, hilo. . . Yeye alimchagua mtu Wake. Vema.

¹⁸² Sasa tunaona hapa, ya kwamba Shetani huyu, baada ya kufukuzwa Mbinguni, anafanyika mwili katika yule mnyama. Na sasa yeye ni mnyama; mpinga-Kristo, nabii wa uongo, na sasa mnyama. Naye anapewa jina la Mauti! Na kuzimu kunamfuata! Shetani kabisa, kwenye kiti chake cha enzi! Loo, jamani! Juu ya nchi, yeye ni Shetani, mwakilishi, juu ya nchi, ambapo yeye sasa ni kiongozi wa falme za dunia, falme zile zile alizotaka kumpa Bwana Yesu katika Mathayo 4. Shetani sasa anakuwa mfalme kamili.

¹⁸³ Sasa, jambo hili linatukia baadaye. Yeye ni nabii wa uongo hivi sasa. Atakuwa mnyama, baada ya kitambo kidogo, wakati atakapovunja agano lake kule na Wayahudi. Mnajua jinsi tulivyoninii. . . Vema, angalieni sasa, yeye atapewa moyo wa mnyama, wakati huo, naye Shetani atajichukulia mwili. Kwa sababu, wakati Kanisa litakaponyakuliwa, Shetani atatupwa nje. Unaona? Unaona? Imekwisha, basi, kushtaki kwake kote kumekwisha. Unaona? Sasa, mradi tu. . .

¹⁸⁴ Angalia, mradi tu yule Mwombezi angali yuko kwenye Kiti cha Enzi, Shetani anaweza kusimama pale na kushtaki, kwa sababu yeye ndiye wakili wa ule upande mwingine. Yeye ni adui wa Kristo. Naye Kristo ni. . . Yeye amesimama pale, a—a—adui amesimama pale, akisema, “Lakini, ngoja! Adamu alianguka! Adamu alifanya *hivi!* Nilimshinda. Nilimfanya mkewe kuamini uongo. Nawe ulisema atahukumiwa kwa huo. Nilimpata!”

¹⁸⁵ Lakini hapa yupo Mpatanishi amesimama pale, amina, Mkombozi aliye Jamaa wa Karibu, amina, amesimama pale akiwa na Damu inayoweza kuuchukua moyo wa mwenye dhambi aliye mchafu sana na kuubadilisha. Mpatanishi yuko kwenye Kiti cha Enzi. Naam, bwana.

Shetani alisema, “Lakini wao wana hatia!”

Yeye anaweza kusema, “Hawana hatia.”

¹⁸⁶ Ie Kloroksi iligunduliwa, ama ilitengenezwa, kuondoa doa, kutoa rangi kutoka kwenye wino ama doa lingine lo lote. Wanayo. Itaivunjavunja mpaka wewe hutaiona tena. Inarudi kwenye gesi, na huko nyuma kabisa kwenye mialimwengu. Na kupita molekuli na cho chote kile, mpaka inageuka inarudia asili yake ilikoanzia. Ni uumbaji. Ninii. . . Kiumbe ilibidi kitoke

kwa Muumba. Lakini kemikali zote ambazo zilitengenezwa na kuunganishwa pamoja, zinavunjwa-vunjwa, na hakuna cho chote kinachosalia. Hazipo tena. Hata yale maji ye—yenyewe yaliyo ndani yake, huchanganyikana na ile Kloroksi, ambayo ni majivu.

187 Amina! Mungu apewe utukufu! Kila kitu ni safi. Hivyo ndivyo Damu ya Yesu inavyofanya kwa mwana wa kweli wa Mungu, wakati anapoitubia dhambi hiyo na kusimama pale, akiwa amehesabiwa haki katika ninii Yake. . . Masalale! Jamani! Hata ni jambo kubwa sana mpaka Mungu akasema, “Hata siwezi kuikumbuka tena. Naye ni Mwanangu kabisa.”

188 “Amin, nawaambia, ukiuambia mlima huu ‘ng’oka,’ na usitie shaka moyoni mwako, bali uamini katika lile ulilosema, wewe. . . litatendeka. Ulilosema litakuwa lako.” Wewe ni mwana aliyekombolewa. Amina! Ninajua jambo hilo ni kweli.

189 Nimewaona kindi wakitokea kule, mara sita mbalimbali, ambapo sikujua yule atakayekuwa ameketi hapa. Jinsi tu, Yeye anaweza kuwaamba kindi jinsi vile vile anavyoweza kuumba inzi, ama vyura, ama cho chote kile. Yeye, Yeye ni Mungu, Muumba. Kweli! Na wakati hakuna mwanadamu. . .

190 Lakini wakati dhambi hiyo ya huyo mwanadamu apatikanaye na mauti inapotubiwa na kudondoshwa kwenye Kloroksi hiyo, ya kitakasaji cha Yesu Kristo, husafisha dhambi yote. Yeye ni msafi kabisa bila doa, hana dhambi, hana hatia. “Yeye aliyezaliwa na Mungu hatendi dhambi, kwa maana yeye hawezi kutenda dhambi.” Kile kitakasaji kinasimama kati yake na Mungu. Ingeweza je kamwe kufika kule, ambapo inaivunjavunja na kuirudisha moja kwa moja kwake yeye aliyepotosha hilo! Amina!

191 Whiu! Ninajisikia wa kiroho. Na—nawaambia, ninapata changamko sasa wakati haya yanapoanza kufunuliwa.

192 Angalia, Shetani mwenyewe kabisa, kwenye kiti chake cha enzi. Naam, bwana. Aliutoa kwa Mungu, aliutoa kwa Bwana wetu. Huyu hapa, ameketi hapa, akiwa na moyo huu wa kinyama ndani yake. Sasa, huyu hapa huyo mtu, yule mnyama, Ibilisi aliyefanyika mwili. Yeye anajitokeza hapa duniani, chini ya kujifanya kwa uongo. Loo! jamani, masalale! Chini ya kujifanya kwa uongo kwa Neno la kweli, yeye anajishirikisha na Neno.

193 Yeye alifanya jambo lile lile ambalo yule wa m—mfano wake alifanya, ambaye alikuwa ni Yuda, miaka elfu mbili iliyopita. Yeye alifanya nini? Yuda aliingia, kama mwamini, huku yeye akiwa ni Ibilisi tangu mwanzo. “Alizaliwa mwana wa upotevu.” Yeye hakumdanganya Yesu kamwe, maana Yeye alimjua tangu mwanzo kabisa; amina, kwa maana Yeye alikuwa Neno. Vema. Na, kumbuka, Yuda alichukua nafasi ya mweka hazina, na akaangushwa kwa pesa.

194 Ndivyo ilivyo na kanisa la siku hizi linavyofanya! Kanisa Katoliki, kama tulivyoona jana usiku, likilipisha kwa ajili maombi ya siku tisa mfululizo, likilitoza fedha kwa maombi, na kutoza fedha kwa kila kitu. Karibu ni kitu kile kile, na jambo lile lile liliwaangukia binti za kanisa Katoliki, walikuwa ni Waprotestanti. Kitu hicho chote kinaishia kwenye fedha. Hapo ndipo Yuda alipoangukia, na hapa ndipo alipoangukia, na hapo ndipo Waprotestanti wanapoangukia.

195 Angalia, anapanda farasi wa kijuvujivu anapoonekana kwenye farasi wake aliyempanda, kupanda huku kwa mwisho. Yeye yuko katika safari yake ya mwisho sasa. Sasa, hiyo si katika siku yetu. Hiyo itakuwa ni baadaye. Ni Muhuri, uliotabiriwa kabla. Maana, unaona, Kanisa tayari limenyakuliwa wakati jambo hili linapotendeka. Wakati Kristo anapoonekana hapa duniani, kama—kama—kama . . . Jamaa huyu anajitokeza, naye anakuwa kabisa, Ibilisi kabisa; kutoka mpinga-Kristo, huko nyuma kote, kupitia nabii wa uongo, halafu kuwa mnyama, Ibilisi mwenyewe. Naye anampanda farasi wa kijuvujivu, amejaa rangi, na amechanganya kila namna ya rangi, kumfanya wa kijuvujivu na wa kufisha.

196 Lakini wakati Bwana wetu anapotokea hapa duniani, Yeye atakuwa amempanda farasi mweupe kama theluji. Naye atakuwa Imanueli kabisa na kikamilifu, Neno la Mungu lililofanyika mwili katika Mtu. Unaona? Hiyo ndiyo tofauti iliyopo kati yao. Hiyo ndiyo tofauti yao.

197 Mwangalie, mpinga-Kristo yuko juu ya farasi wa kijuvujivu, rangi zilizochanganyikana. Farasi ni mnyama anayewakilisha nguvu fulani. Nguvu zake zimechanganyikana kabisa. Kwa nini? Ni za siasa, ni—ni nguvu za kitaifa, ni nguvu za kidini, ni nguvu za kipepo. Ni nguvu za kila aina zilizochanganyikana, zimechanganyikana, ndivyo alivyokuwa farasi wa kijuvujivu. Yeye ana aina mbalimbali za nguvu.

198 Lakini wakati Yesu atakapokuja, atakuwa juu ya farasi wa rangi moja iliyo halisi, Neno. Amina!

199 Huyu anachanganya rangi zake, ambazo ni nyekundu, nyeupe, nyeusi; rangi tatu katika moja, zimewakilishwa katika moja. Na nguvu tatu zilizowakilishwa katika moja; farasi mweupe, farasi mweusi, farasi mwekundu. Na taji tatu, katika moja. Unaona? Kweli.

200 Mimi niliiona ile taji, mimi mwenyewe; nilisimama, loo! karibu namna *hii* na kuiangalia. Hawangeniruhusu niikaribie sana, kwa sababu ya kioo, chake. Kwa hiyo ilikuwa iko hapo, imefungiwa kwa kufuli kubwa, imewekwa kwenye: taji yenye sehemu tatu. Kwa hiyo ninajua ni kweli. A-ha. Kwa hiyo alikuwa ndiye huyo hapo, taji yenye sehemu tatu, halifa: mbinguni, pagatorio, na dunia.

201 Nguvu tatu zimeunganishwa pamoja, unaona, zote zimechanganywa pamoja katika rangi fulani, ya kijivujivu. Mauti inaongea katika kitu hicho chote kizima; nguvu za kisiasa, na—na za kidini, na—na za kipepo, zimechanganywa pamoja. Siasa, yeye ndiye mfalme wa siasa, ndivyo alivyo Shetani. Mwerevu! Whiu! Hakika. Usijaribu kumshinda kiakili. M—mtumainie tu Bwana. Basi.

202 Kama nilivyoninii, yote, nilivyolipitia hapo nyuma. Werevu wote, elimu na mambo kama hayo, vilitokea upande ule mwingine. Hebu lifuatilie tu kwenye Maandiko, tafuta uone kama jambo hilo ni kweli. Wafuatilie watoto wa Kaini uone walichokuwa. Halafu uwafuatilie watoto wa Sethi, uone walikuwa nini. Si kwamba eti ninaunga mkono ujinga, la hashu. La, bwana. Lakini wachukue watu wo wote, ni vigumu, wa Biblia, ni mara chache sana . . .

203 Na kuna mmoja anayelitwa Paulo, aliyekuwa mtu mwerevu, naye alisema ilimbidi kusahau kila kitu alichojua, kusudi amjue Kristo. Yeye alisema, “Sikuwajieni kamwe na maneno yenye hekima ya kushawishi akili za watu, bali niliwajia katika Nguvu za kufufuka kwa Kristo.” Hiyo ni kweli, Nguvu za Roho Mtakatifu!

204 Waangalie hao wengine. Wengine wao hata hawakujua mkono wa kuume ama wa kushoto. Na—na, loo! angalia kote katika nyakati za manabii, na mahali walikotoka, na kadhalika. Unaona ninalomaanisha?

205 Unaona, ni werevu, akili, na maarifa. Maarifa ndicho kitu hasa kinachokutoa kwa Mungu.

206 Yeye alikuwa na nguvu tatu, ama mamlaka ta—tatu: dunia, Mbinguni, na pergatorio.

207 Yeye, Mwenyewe, ni utatu. Hivyo ndivyo ameumbwa. Naye anapanda farasi katika utatu. Nguvu zake ziko katika utatu. Taji yake iko katika utatu. Farasi wake yuko katika utatu. Hivyo ndivyo alivyo, utatu; nguvu za utatu, taji ya utatu, farasi (anayempanda) wa utatu; yaani wa vyeo, nne tena, unaona, nne tena. Vema.

208 Hatua tatu za huduma yake, zinamfanya mtu mmoja, Shetani aliyefanyika mwili. Hatua tatu za hu—. . .mpinga-Kristo, nabii wa uongo, na mnyama. Hizo tatu, zikionyeshwa kwa mfano, unaona. Sasa kuna aina tatu sasa, hapo zinazomfanya yeye.

209 Mungu, Mungu hujijulisha Mwenyewe, pia, katika maji, Damu, Roho; humfanya Mkristo kuwa mwana wa Mungu, kwa Neno la Mungu. Mnaona? Na nguvu *hizi* tatu zinamfanya yeye awe Ibilisi. Unaona? Loo! Huyu hapa, ni maji, Damu, na Roho, ambavyo ni vya Mungu. Na *yule* ni siasa, dini, na nguvu za pepo, zilizochanganywa pamoja, zinamfanya kuwa Ibilisi.

210 Kuja kwa kwanza kwa Kristo, mwanadamu. Yeye anakuja mara tatu. Kristo yuko katika tatu. Unaona? (Angalia jinsi anavyokuja; yeye ni nne.) Mwangalie Kristo. Kuja kwa kwanza, Yeye alikuja kama mwanadamu, apate kumwaga damu na kufa. Hiyo ni kweli? Huko ni kuja Kwake mara ya kwanza. Kuja kwa pili ni kule Kunyakuliwa; tunamlaki angani, watu wasiopatikana na mauti. Kuja Kwake mara ya tatu, Yeye ni Mungu aliyefanyika mwili. Amina! [Ndugu Branham anapiga makofi mara moja—Mh.] Mungu, Imanueli, apate kutawala duniani! Hiyo ni kweli, mara tatu tu.

211 Hatua ya nne ya yule mpanda farasi, angalia. Hatua ya nne ya mpanda farasi huyu, inaitwa Mauti. *Mauti* maana yake ni “kutengwa Milele na Mungu.” Hiyo ndiyo maana ya mauti, kutengwa Milele na Mungu.

212 Sasa, kama tumemweka jamaa huyu mahali pake, darasa, kama tumeonyesha kwa Biblia, kwamba jamaa huyu ni nani; na hata tulichukua ile milima, mahali pale na kila mahali, kwa kirefu kabisa, kote kote. Na sasa Yeye anaitwa, na yule tai, “Mauti.” Hivyo ndivyo anavyomwita. Kumbuka, hapa, unaona, mauti ni kutengwa Milele.

213 Kumbukeni, watakatifu hawafi. Wao hulala, hawafi. “Yeye ayasikiaye Maneno Yangu, na kumwamini Yeye aliyenipeleka, yuna Uzima wa Milele.” Hiyo ni kweli. “Haingii hukumuni; amepita kutoka mautini kuingia Uzimani. Mimi ndimi huo ufufuo, na Uzima,” alisema Yesu. “Yeye aniaminiye Mimi, ajapokufa, atakuwa anaishi. Naye kila aishiye na kuniamini Mimi hatakufa kabisa hata milele.” Lazaro, amekufa? “Yeye amelala.”

214 “MsioCOPE, msichana huyu hajafa, bali amelala.” Wakamcheka sana. Hiyo ni kweli? Loo! jamani! Unaona, watakatifu hawafi.

215 Kutengwa na Mungu ni mauti, mauti ya Milele. Na jamaa huyu anaitwa “Mauti,” kwa hiyo msimkaribie. Yeye ni nini? Madhehebu, utaratibu wa kimadhehebu; kanisa la kwanza, namba moja, lililounda madhehebu, na wakati lilipochukua ma—mawazo ya Konstantino, huko kwenye Baraza la Nikea.

216 Tuliwaleta hao wanawake, jana usiku, na kuoyesha jinsi Hawa, yule bibi-arusi wa kwanza, kabla mumewe hajamkaribia, yeye alianguka, kwa kutokuamini Neno la Mungu huko Edeni. Yule bibi-arusi wa kiroho wa Kristo aliyezaliwa kwenye siku ya Pentekoste, kabla Yeye hajamfikia, nini kilitukia? Alianguka, huko Rumi. Ni nini? Alipoteza usafi wake wa Neno, kwa ajili ya fundisho la sharti. Amina. Loo! jamani!

217 Na—na—nasikia changamko likija tena juu yangu, naam, bwana, nikifikiria juu ya jambo hilo...Simaanishi kufanya kama kichaa. Simaanishi jambo hilo. Lakini mimi ninanii tu...Hamtambui kile jambo hilo linachonifanyia. Nimeketi

katika jambo hili siku nne sasa. Ni ninii tu . . . nami sina budi tu kusema jambo fulani, nifanye kwa namna fulani nijisikia kama mwanadamu tena. Mnajua kile ninachomaanisha. Naam. Vema. Unaanza kuzungumza namna hiyo, nawe unaona maono yakitokea kila mahali. Hiyo ni kweli. Unaona, hiyo ndiyo sababu ninasema jambo fulani ili nirudi kwenye fahamu za kawaida tena, na kujitikisa nirudi. Unaona?

218 Je! umewahi kuniona wakati ninaposhughulika na mstari wa upambanuzi? Nitasema jambo fulani, litawafanya watu wakasirike; kisha nitasema jambo fulani, liwafanye watu walie; halafu nitasema jambo fulani, liwafanye watu walie. Kuna kitu nimeona. Nami nitasema jambo fulani, kuona jinsi itakavyokuwa, ndipo ninaona ni nuru ya aina gani iliyo juu yao, kile kinachotendeka. Ninajua mahali ilipo, nami ninajua kama inaita ama haiiti. Kama haiiti . . . Ameketi pale, mwamini halisi, vema. Unawaita, halafu, unasema, “Wewe, *Fulani*.”

219 Na wakati unaposhuka, Roho anaanza kutia upako, ndipo unaanza kuona kile kimulimuli kikitokea kila mahali, unaona, namna hiyo, kila mahali, chumbani. Kwa hiyo, hiyo ndiyo sababu ninasema jambo fulani, kuanza tena kwa namna fulani, kuanza upya tena, unaona.

220 Tangu Jumapili iliyopita, ninaketi tu moja kwa moja kwenye chumba, nikiomba tu, basi, na chini ya upako. Nami ninajua jambo Hili ni kweli. Mnamwamini Mungu. Ninajua mnamwamini. Angalieni tu mwishoni mwa juma hili. A-ha. Mnaona? Mnaona? Vema. Mnaona?

221 Sasa, mauti maana yake ni kutengwa milele na Mungu. Basi kumbuka, sasa, watakatifu hawafi.

222 Kumbuka, bibi-arusi wake alipewa farasi wa kijivujivu . . . Ninamaanisha, mpanda farasi huyu alipewa farasi wa kijivujivu, a—ampande aende. Yeye alipewa farasi hu—huyu wa kijivujivu, ampande aende naye. Naye akampanda farasi huyu wa kijivujivu, wa mauti. Sasa tunajua jambo hilo lilikuwa ni nini. Tunajua hilo kanisa lilikuwa ni lipi.

223 Halafu kumbukeni, jana usiku, yeye hakuwa tu ni “kahaba,” yeye alikuwa “mama wa makahaba.”

224 Nasi tunaona, ya kwamba kile kilichomfanya kahaba, alikuwa, ni mwanamke ambaye ni mwanamke wa aina hiyo. Mimi ninaninii tu . . . Ni neno kali, kulisema kati ya wasikilizaji waliochanganyikana. Lakini Biblia inasema hivyo, unaona. Kwa hiyo, basi, tunatambua ya kwamba huyo ni nanii—huyo ni mwanamke asiyemwaminifu kwa nadhiri zake za ndoa. Na unaona, yeye anapaswa kuwa, anasema mwenyewe, anajiita, “Malkia wa Mbinguni.” (Huyo angekuwa ni Bibi-arusi wa Mungu. Mungu ni Kristo.) Nasi tunaona ya kwamba yeye anafanya uasherati, naye anawafanya wafalme wa dunia

kufanya uasherati, na watu wote matajiri, na watu wakuu. Dunia nzima ilimfuta. Unaona?

225 Na halafu tunaona ya kwamba alizaa binti kadha, nao walikuwa ni malaya. Malaya ni kitu gani ila ni kahaba, kitu kile kile; mwasherati, uasherati, uovu, uzinzi, kufanya. Wao walifanya nini? Waliunda madhehebu, wakafanya utaratibu, wakafundisha utaratibu wa kujibunia, Wapentekoste na kundi hilo lote!

226 Sasa, usiache, usiache dhamira ya—yako iangukie mfukoni mwako, ewe Mpentekoste. Hebu nikwambie jambo fulani. Hebu na tuangalie jambo hilo moja kwa moja usoni. Tumechelewa sana barabarani sasa, kuendelea kuchezecheza. Angalieni hapa.

227 Tunaishi katika Wakati wa Kanisa la Laodikia. Na huo ulikuwa ndio wakati wa kanisa wenye dhuhaka kuliko nyingine zote, vuguvugu, na ndio pekee ambao Kristo alikuwa nje, akijaribu kurudi ndani. Na huo ni ujumbe wa Kipentekoste ukiendelea, ukisema, “Mimi ni tajiri!” Jamani, wewe ulikuwa maskini, kwanza. Sasa umetajirika kweli, unaona. “Sina haja ya kitu!” Na—na, loo! jinsi ulivyokuwa!

228 Yeye alisema, “Wewe ni uchi, mwenye mashaka, kipofu, maskini, mnyonge, wala hata hujui.”

229 Sasa, kama mtu alikuwa yu uchi, kule nje mtaani, na alijua hivyo, mbona, yeye angejaribu kujisaidia. Lakini wakati yeye—wakati yeye hajui hilo, wala huwezi kumwambia jambo lingine, basi yeye yuko katika hali mbaya. Mungu na amrehemu. Kweli. Angalia. Loo! jamani!

230 Sasa, kumbuka, mpinga-Kristo huyu, mwenyewe, akiwa mwanamume; bibi-arusi wake, ambaye ni kanisa lake, “alipewa nafasi ya kutubu, wala hakutubu,” katika wakati huo wa kanisa, Thiatira. Mnakumbuka? Mnaweza . . .

231 Vema, hebu na turudi nyuma kidogo. Halitatudhuru kurudi nyuma kidogo. Hebu na turudi nyuma, kwenye mlango wa 2, kwa dakika moja tu. Tutaisoma tu, mlango wa 2 wa . . . sasa, Thiatira. Sasa angalia jambo hili, upesi sana tu sasa. Jamani, tuko tu karibu na wakati wa kumaliza, na hatujaanza. Lakini, angalia, Thiatira. Sasa, inaanzia kwenye aya ya 18 ya—ya sura ya 2.

. . . kwa malaika (huyo ni mjumbe) wa kanisa lililoko Thiatira andika; Haya ndiyo anenayo Mwana wa Mungu, yeye aliye na macho yake kama miali. . . na miguu yake mfano wa shaba iliyosuguliwa sana.

Nayajua matendo yako na upendo wake na huduma yako; na imani yako. . . subira yako na kazi zako tena kwamba yako hapana budi yamezidi. . . ya mwisho yamezidi yale. . . ya mwisho yamezidi yale ya kwanza.

Lakini nina neno juu yako, ya kwamba wamridhia yule mwanamke Yezabeli, . . .

232 Haya basi. Unamjua, katika Biblia. Yeye alikuwa mke wa Ahabu. Huyu hapa huyo mwanamke, kanisa, Yezebeli, mke wa nabii wa uongo, ambaye anapaswa kuwa nabii halisi wa Mungu, papa; vema, nabii halisi na mkewe, Yezebeli. Sasa, Ahabu alipaswa kuwa Myahudi halisi, lakini yeye alikuwa mlaghai, mnajua jambo hilo, kwa sababu mkewe alimwongoza tu vyo vyote alivyotaka yeye. Tunaona, Yezebeli anachukua fedha zake na kuwaongoza hawa jinsi wao wanavyotaka, pia.

. . . *yeye ajiitaye nabii* (mnalipata?), *na kuwafundisha watumishi wangu . . . na kuwashinda*, (unaona, fundisho hilo la Yezebeli lilienea tu kote nchini) *ili wazini na kula vitu vilivyotolewa kwa sanamu.*

. . . *nimempa muda ili atubu* (unaona?) uasherati wake na . . . *wala hakutubu.*

233 Angalia aya hii inayofuata.

. . . *nitamtupa juu ya kitanda*, (hicho ni kuzimu), *na hao wazinio pamoja naye, wapate dhiki kubwa, . . .* (Hiyo ni kuingia katika ile Dhiki kuu. Si Kanisa, sasa.) . . . *wasipotubia matendo yao.*

234 Sasa angalia, hapa.

. . . *nitawaua watoto wake* (malaya wake) *kwa mauti* (mauti ya kiroho); . . .

235 Mnaamini hilo? [Kusanyiko linasema, “Amina.”—Mh.] Hilo ni Neno. “Nitawaua kwa mauti.” Na kama wakiuawa, wametengwa Milele. Vema. Kumbukeni, Yeye alimpa muda ya kutubu.

236 Wakati wa Thiatira ulikuwa ni ule wakati wa giza. Yule mpanda farasi mweusi alimpanda wakati huo, wakati misa zote na kila kitu kilipaswa kulipiwa, na maombi, na—na novena, na kadhalika. Sasa mwangalie farasi wake mweusi, basi, baada ya yeye kukataa kutubu katika Thiatira, (ati nini?) anabadilisha farasi wake kutoka farasi mweusi anamchukua wa kijivujivu, mauti, kwa ajili ya huduma yake ya mwisho.

237 Sasa, pengine nimitikise kidogo mtu binafsi hapa. Kumkataa Mungu, kuukataa wito wa Mungu, utafanya jambo hilo mara ya mwisho siku moja. Na, kama tu vile kanisa lile lilivyofanya, imekwisha. Mungu, subira, daima hatashindana na mwanadamu. Unaona?

238 Na wakati yeye alipolikataa Hilo, na akakataa kulikubali, basi alimbadilisha na akaenda zake . . . Sasa yeye ana jina linaloitwa “Mauti,” kutenganishwa. Mungu alisema, “Hata nitawachukua watoto wake, Waprotestanti, na kila mmoja wao nitamwua kwa utengano wa Milele.” Haya basi, Wakati wa Thiatira, ule wakati wa giza. Farasi wake mweusi sasa anageuka kuwa mauti, kwa ajili ya huduma yake ya mwisho.

239 Unaona jinsi ambavyo za kanisa zinavyoingiana na ile Mihuri? Kikamilifu tu. Nasi tunajua ni sahihi. Roho Mtakatifu hakosei. Yeye alitupa thibitisho kubwa, ule wakati wa mwisho, wakati tulipomaliza zile yakati za kanisa kule nyuma, mwajua.

240 Angalia upendo na uvumilifu wa Mungu! Kabla ya Yeye kutoa hukumu juu yake, Yeye alimpa muda wa kutubu. Na ni katika Jina la Bwana mimi nasema hili: Yeye amelipa kanisa la Kiprotestanti jambo lile lile, wala halitatubu. Ujumbe huu umetikisa kila mahali, wala halitatubu. Litachukua mafundisho yake lenyewe ya sharti na kanuni za imani, sijali utaeleza jambo hilo kiasi gani.

241 Kama nilivyosema kule Chicago, hivi majuzi, kwa wahudumu wengi kuliko watu wanaoketi hapa! Na pale walikuwa wamenikaba, juu ya lile Fundisho, uzao wa nyoka na mambo haya mengine yote. Nikasema, “Mtu fulani achukue Biblia yake, na aje hapa na asimame karibu nami basi.” Wala hakuna mtu aliyesea kitu.

242 Tommy Hicks akasema, “Si—sijapata kusikia kitu Hicho namna hiyo kamwe, Ndugu Branham. Ninataka mia tatu ya kanda hizo. Nitazituma kwa wahudumu wangu wote.”

243 Kulikuwako na kama hamsini, ama sabini na watano, waliosema, “Ninashuka huko nije nibatizwe tena.” Je! walikuja? Hata mmoja wao. Kwa nini? Yeye aliwapa nafasi ya kutubu! Naye atawatupa watoto wenu mautini, mauti ya kiroho.

244 Tutachukua hilo kesho usiku, Bwana akipenda, ama Jumamosi usiku, kuhusu Mapigo yale ambayo yanapita. Wewe angalia yatakatotukia pale.

245 Ni kama vile alivyoipa Misri, Yeye aliipa Misri muda wa kutubu. Na pigo la mwisho lilikuwa ni nini? Lilikuwa ni mauti.

246 Hilo ndilo pigo la mwisho lililolipiga kanisa la Kipentekoste, ni mauti ya kiroho. Limekufa. Hilo ni katika Jina la Bwana. Limekufa kiroho. Yeye alilipa muda wa kutubu, nalo lilikataa jambo Hilo. Sasa limekufa. Halitainuka tena.

247 Na hao watu huko nje, wakijaribu kuwaleta Waepiskopalia na makasisi, na kadhalika, na kuwaita, “Baba Mtakatifu *Fulani*.” Mbona, wanapaswa kujionea aibu. Jinsi mtu anavyoweza kuwa kipofu! Je! Yesu hasemi? Wakati yule mwanamwali aliyelala alipokuja kununua Mafuta, yeye hakuyapata!

248 Kila mtu, unawasikia watu wakisema, “Nina Roho Mtakatifu. Nilinena kwa lugha.” Lakini wao hawataki kukaribia kanisa kama hili. “Loo! mnajua, sidhani ninataka kukaribia mahali kama hapo.” Na halafu useme ati una Roho Mtakatifu?

249 Lakini unataka njia zako za kujitukuza. Unataka kuishi Babeli na bado ufurahie baraka za Mbinguni. Huna budi kuchagua. Huwezi kukaa huko nje duniani na umtumikie Mungu

wakati huo huo. Yesu alisema hungeweza kumtukia Mungu na mali. Kwa hiyo kama hutatarajia . . .

250 Kama ukiokolewa kweli, utafurahia mikutano mahali ambapo Roho Mtakatifu anajithibitisha Mwenyewe na kuonyesha ya kwamba Neno la Mungu ni kweli.

251 Mtu fulani alisema, “Watu wanapiga makelele kupita kiasi. Inanifadhaisha.” Utafadhaika kama ungeingia Mbinguni. Na hebu wazia tu, wakati hao wote watakapokuwapo kule, basi vipi kuhusu jambo hilo. Loo! jamani! Jinsi Bwana anavyotaka kupata . . .

252 Yeye ni mvumilivu, kama alivyokuwa katika siku za Nuhu. Yeye alijaribu sana. Alivumilia kwa muda mrefu, kwa miaka mia moja na ishirini, kuwafanya watubu. Hawangetubu.

253 Katika siku za Misri, Yeye alituma mapigo na cho chote kile. Hawangetubu.

Akamtuma Yohana. Wao hawangerudi.

254 Akamtuma Yesu, afe, kuliokoa kundi lote ambalo lingesikia Neno.

255 Na sasa, katika siku za mwisho, Yeye aliahidi tena ya kwamba angetuma Ujumbe kuliita litoke, na kuirudisha Imani ya asili Kwake, kurudi kwenye Neno. Nao hawatalipokea. Wameshika mafundisho ya sharti sana, katika mafundisho yao ya sharti na kanuni za imani, mpaka hawalitaki Hilo. Loo, wao wanafikiri kama wangekuwa na . . . kama malaika angelishuka akaja; lakini Mungu hafanyi hivyo.

256 Yeye huchukua kitu fulani kisicho na elimu na kilicho kijinga, kitu ambacho hata hakijui ABC zenu au—au cho chote. Na ndipo anamchukua mtu wa aina hiyo, maana Yeye anaweza kuchukua kitu ambacho ni bure na halafu atenda kazi kwacho. Mradi tu kitu fulani kinafikiri wao ni kitu fulani, basi hawawezi kufanya cho chote nacho. Yeye amefanya hivyo daima. Huna budi ubadilike uwe si cho chote, kusudi upate kuwa mtu wa maana kwa Mungu. Loo! jamani!

257 Angalia, hata hivyo, “Yeye alimpa nafasi ya kutubu, lakini hakutubu.”

258 Yeye amefanya hivyo tena; hatatubu. Kukataa kwake, njia fulani, kunamfanya . . . Ama, kukataa kwake kunatengeneza njia kamilifu kwa Shetani kumwingia na kufanyika mwili. Hiyo ni kweli. Afanyike mwili moja kwa moja ndani yake, kwa sababu yeye alilikataa Neno. Na hicho ndicho kitu kile kile kabisa ambacho kanisa la Kiprotestanti linafanyika, kahaba, ni kwa sababu linakataa Kweli iliyothibitishwa ya Neno la Mungu, na hilo linampa Ibilisi nafasi ya kuingia moja kwa moja na kufanyika mwili. Naye atafanya sanama ya mnyama wakati watakapoungana pamoja, sasa hivi huko, nao wakifanya vile vile hasa Yeye alivyosema. Hiyo ni kweli. Amina.

259 Kama ningekuwa na elimu, ningeweza kulieleza vizuri. Sina elimu yo yote. Ninamtarajia tu Roho Mtakatifu alifunua kwenu. Naye atafanya hivyo, kwa wale ambao. . . Hiyo ni kweli. Yeye atafanya hivyo. Naam. Angalia.

260 Angalieni jinsi vile, yale aliyofanya hapa. Yeye alikataa Ujumbe wa Mungu wa Yeye kutubu. Alianza, mpinga-Kristo, na hivyo ndivyo alivyokuwa. Akaja, kuwa nabii wa uongo, Ibilisi aliyechukua mwili, na, alipofanya hivyo, akiwa na mafundisho yake ya uongo. Halafu, katika hayo yote, Mungu alimpa nafasi ya kutubu, alijaribu kumpata.

261 Unaona jinsi alivyo na subira? Ni Upendo wa ajabu jinsi gani! Hakuna upendo kama huo! Angalia wale, hata wale waliomtemea mate usoni na kadhalika, Yeye aliwasamehe. Huyu ni Mungu, unaona. Usininii. . .

262 Anaukataa Ujumbe wa Mungu! Angalia, yeye aliambiwa atubu, arudi mahali alipoanguka.

263 Naye alianguka kutoka wapi? Kwenye Neno. Kweli. Hawa alianguka kutoka kwenye nini? [Kusanyiko linasema, “Kwenye Neno.”—Mh.] Neno! Madhehebu yalianguka kutoka kwenye nini? [“Neno.”] Haya basi. Unaona? Hakuna njia nyingine. Ni kwamba tu, kila wakati, ni kurudi moja kwa moja kwenye Neno, moja kwa moja kwenye Neno. Unaona? Nao wanaingia katika mfumo unaowatoa kwenye Neno, unaowatoa kwenye Neno badala ya kuwaingiza kwenye Neno. Angalia.

264 Angalia, yeye alipewa nafasi ya kutubu, kurudi. *Tabu* maana yake ni “kurudi, kugeuka, kugeuza mwelekeo.” *Tabu*, “rudi.” Naye alipewa nafasi ya kurudi mahali ambapo kwamba. . .

265 Sasa kumbukeni, hilo lilikuwa Kanisa la kipentekoste asilia ambalo lilimwagiwa Roho Mtakatifu, kwenye Siku ya Pentekoste. Ni wanafunzi wangapi wa Biblia wanaojua jambo hilo? Hakika, yeye alikuwa hivyo. Unaona mahali alipotoka? Yeye alianguka kutoka kwenye Neno, na akakubali mafundisho ya sharti. Anatarajia. . . Badala ya Roho Mtakatifu, alitaka mtu mtakatifu. “Daktari LL., Ph., Q.U.” halafu wakamfanya kuwa papa. Mnaona? Hakika. Lakini, yeye, hivyo ndivyo alivyotaka, mtu fulani afanye maombi badala yake. Mtu fulani. . . Anamlipa tu pesa, na hivyo ndivyo tu alivyopaswa kufanya. Unaona?

266 Sasa, ni jambo lile lile leo. Mradi tu wao wana viti kanisani vya kukalia, kutoa pesa nyingi sana kwenye sahani ya sadaka, hilo linatosha kabisa. Wao ni wafuasi wa kanisa hilo. Usiwaambie jambo lingine kuhusu Hilo; hawataki kujua. Hao ndio binti zake.

267 Sasa, yeye alianguka toka wapi? Kutoka kwenye Neno la asili la mitume wa kimitume na manabii. Alianguka toka hapo. Waprotestanti walianguka kutoka hapo.

268 Tubuni! Rudini! Geukeni kabla ya kuchelewa sana. Kama bado hamjachelewa sana. Moja ya siku hizi huyo Mwana-Kondoo ataondoka mahali Pake, na ndipo yote yamekwisha. Kwa hiyo binti zake wanaalikwa sasa, kabla hawajahukumiwa pamoja naye, “kurudi.”

269 Sasa, Ujumbe wa mwisho wanaopata, ni wakati nabii huyu ambaye nimekuwa nikinena habari zake. Ambaye, nimekuwa nikisoma vitabu vingi juu yake. Nami najua ya kwamba watu halisi, wazuri, wenye akili, na wanaowaza kiroho wanajua jambo hilo linakuja. Wanajua jambo hilo. Wanajua linakuja, unaona. Wao . . . Lakini shida yake, ni kwamba, wao wanakazana kusema, “Tunalihitaji. Litakuja.” Nalo litakapokuja, ni kwamba watakuwa wanyenyekevu sana; labda wao watalikosa kama tu walivyofanya wakati ule mwingine. Hiyo ni kweli. Watu wataandika habari Zake, na kila kitu, waseme, “Loo, naam, jambo hilo linahitajika liwepo.” Halafu hebu acha lionyeshwe kwa usahihi kabisa mbele yao, nao wanaondoka moja kwa moja, unaona. Kwa hiyo, daima wamefanya hivyo.

270 Angalia sasa, lile Neno la asili. Wao wananinii . . . wao . . . Hana budi kutubu, ili arudi, hata hivyo, kwa hiyo binti zake wamealikwa. Kulazimishwa . . . wao watahukumiwa, na kutupwa kwenye kitanda kile kile na kuuawa pamoja naye. Wao wameombwa kurudi kwenye lile Neno la asili, warudi kwenye Fundisho la mitume. Lakini, wao wamefungwa sana na kanuni zao za imani na kadhalika, hawatafanya jambo hilo. Wao wanalidhihaki tu.

271 Basi wanafanya nini? Hatimaye wanaunda sanamu ya mnyama, nguvu nyingine; angalia, na kumtendea, Bibi-arusi wa Mwana-Kondoo, kama alivyofanya katika Ufunuo 13:14. Hivyo ndivyo wao wanavyofanya, kumtesa tu, jambo lile lile tu. Makanisa yanamdhihaki tu Bibi-arusi wa kweli wa Kristo, kama Rumi daima ilivyowahi kufanya. Ni vile vile kabisa. Naam, bwana. Wanamtendea Bi—Bibi-arusi halisi wa Mwana-Kondoo vile vile kabisa kama alivyofanya katika Ufunuo 13:14.

272 Sasa angalia. Tunaona, kwa Neno la Mungu la ahadi, Yeye ata—Yeye atawaua watoto wake, madhehebu, binti zake, kwa mauti ya kiroho. Sasa, hiyo ni Ufunuo 2:22. Msisahau hilo. Kuua, ni kufisha. Na *mauti* ni “Kutengwa Milele na kutoka Uweponi mwa Mungu.” Wazieni jambo hilo, enyi marafiki. Wazieni jambo hilo. Msitumainie kanuni zo zote zilizobuniwa na binadamu. Kitu cho chote ambacho ni kinyume na Neno, kaa mbali nacho.

273 Sasa angalia, angalia katika Biblia hapa. Lilisema jina lake lilikuwa ni kuzimu, na . . . namaanisha:

. . . jina lake *lilikuwa Mauti, na kuzimu kulifuatana naye.*

274 Sasa, kuzimu daima kunafuatana na mauti, kwa hali ya kawaida. Wakati mtu wa kawaida anapokufa, kuzimu

kunamfuata; yaani kaburi, jehanum, unaona, hiyo ni kwa kawaida. Lakini kiroho, ni Ziwa la Moto, unaona, vema, kuingia katika kutengwa Milele, ambako wanachomwa moto na kwisha kabisa.

275 Na—na Malaki 4 ilisema, “Hata haitawaachia shina, wala tawi, wala cho chote kile.” Ndiyo njia ulio nayo ulimwengu ya kujitakasa wenyewe tena, kwa ajili ya ule Utawala wa Miaka Eflu. Unaona?

276 Hivi umeona, yule mpanda farasi ni “mwanamume”? “Naye” alishika mkononi “mwake;” “mwanamume,” nabii wa uongo. Lakini bibi-arusi wake anaitwa kanisa, “mwanamke,” Yezebeli. Ahabu; Yezebeli. Mbona, ni kamilifu tu kama cho chote kile. Unaona? Unaona?

277 *Mabinti* ni “mwanamke,” pia, lakini hawapokei kamwe uongozi wa mtu mmoja; Waprotestanti, kwa jambo hilo, lakini asili yao ni malaya, kwa mafundisho yao, madhehebu, taratibu. Hiyoyi ni ninii tu. . . Hivyo ndivyo linavyosema.

278 Angalia. Jambo hili lote linaishia wapi? Sasa, tuna kama tu dakika kumi na mbili, kumi na nne hapa, nadhani. Angalia haya yote yanaelekea wapi. Ni kitu gani? Yanarudi moja kwa moja jinsi yalivyokuwa, na lilianza Mbinguni. Yanakuja kwenye vita vya wakati wa mwisho.

279 Jambo la kwanza, kule Mbinguni, kulikuwako na vita. Lusifa alitupwa nje, ndipo akaja duniani. Ndipo akaichafua Edeni; halafu amekuwa akiendelea kuichafua tangu wakati huo. Na sasa, toka vile vita vya Mbinguni, inakuja kuwa vita duniani; navyo vitamaliziwa, duniani, wakati wa mwisho, katika vita viitwavyo Har-Mamagedoni. Sasa, mtu ye yote anajua hilo. Vita hivyo vilianza Mbinguni, vitakatifu, na kwa hiyo wao wakamfukuza. Mikaeli na Malaika Zake walimshinda, akafukuzwa. Nao walipofanya hivyo, yeye alianguka moja kwa moja katika Edeni, na hapa akaanza vita hapa chini. Alikutana. . .

280 Mungu alikuwa amewajengea watoto Wake ngome vizuri kabisa kwa Neno Lake. Na Hawa akatoa shingo yake, akasema, “Ninaamini unasema kweli, labda.” Na hapo mambo yakaanza. Na imekuwa hivyo, tangu wakati huo. Ndipo Mungu akashuka, na sasa Yeye hana budi kuninii. . . Yeye alishuka kuwakomboa wale ambao wangekuja.

281 Kama nilivyosema, Mungu ni kama kondrakta mkubwa. Yeye hupanga vifaa vyake vote duniani, kisha anajenga majengo Yake. Sasa kumbuka, kabla hakujakuwako na punje ya—ya mbegu duniani, kabla hakujakuwako na jua lililowahi kuiangaza dunia, mwili wako ulikuwa upo hapo umelala ardhini, maana wewe ni mavumbi ya ardhi. Unaona? Wewe ni mavumbi ya ardhi. Mungu ndiye kondrakta.

282 Sasa, jinsi Yeye alivyokuwa afanye jambo hilo, ilikuwa ni kuinama na kuchukua (kama alivyofanya kwa Adamu) kijidonge kidogo cha kasiamu, shura na mialimwengu, na, “Whiu!” Anasema, “Huyo hapo mwanangu mwingine.” Unaona? Halafu angewaleta wengine zaidi, na “Whiu!” “Huyo hapo mwingine.”

283 Lakini Hawa alifanya nini? Yeye aliichafua njia hiyo. Naye akaileta kupitia njia ya kujuana kimwili, ndipo mauti ikaifikia.

284 Sasa Mungu anafanya nini? Yeye ana mbegu hizo nyingi sana katika nyakati zote, ambazo zimechaguliwa tangu zamani; nyingi sana, zilizochaguliwa tangu zamani. Na halafu, wakati wa mwisho, Yeye hatasema, “Hawa, njoo umzae mtoto mwingine.” Yeye ata- (“Whiu!”) ita, nami nitajibu. Ni hivyo tu. Basi. Hilo ndilo lengo. Wakati huyo wa mwisho atakapoingizwa, imekwisha.

285 Sasa, vita vilianza Mbinguni. Vitaishia duniani, katika hali ya Har-magedoni.

286 Sasa hebu na tuangalie tuone likifunuliwa. Na labda tunaweza kulifunua. Bwana na atusaidie sasa hivi kufanya jambo hili sasa. Kuangalia likifunuliwa.

287 Yule mpanda farasi wa siri, angalia kile anachofanya sasa; “akijiinua,” alikataa kutubu na kurudi kwenye Neno la asili la Damu. Neno lilifanyika Damu na mwili. Unaona? Yeye alikataa kulirudia Hilo. Ni upinga-Kristo! Bibi-arusi wa kweli wa Neno, ni kinyu-...yeye anajiinua juu ya Bibi-arusi wa kweli wa Neno. Anamchukua bibi-arusi wake mwenyewe! Pia, anampinga Bibi-arusi huyu wa kweli. Naye anamchukua bibi-arusi wake mwenyewe, na kumleta kwake, katika namna ya dini inayoitwa kanuni za imani na mafundisho ya sharti. Mnaona? Na sasa, akimwona Bibi-arusi mtakatifu, yeye anampinga. Lakini anajifanyizia bibi-arusi wake mwenyewe, anayelitwa mpinga-Kristo, kwa mafundisho ya kipinga-Kristo, ambayo hayaambatani na Kristo. Unaona jinsi alivyo mjanja? Na sasa, badala ya kuwa na umoja wa upendo, ukiongoza, ibada chini ya Damu, yeye ana madhehebu. Badala ya kuwa na Neno, yeye alichukua kanuni za imani, mafundisho ya sharti, na kadhalika.

288 Kama vile, nao Waprotestanti wanavyosema, “Imani ya Mitume.” Ninataka wewe utafute neno moja la hiyo katika Biblia. Mtume, hakuna kitu kama Imani ya Mitume katika Biblia.

289 Kama nilivyosema hapa, sasa, si muda mrefu uliopita, ama mahali fulani. Kama mitume walikuwa na kanuni ya imani, ni Matendo 2:38. Ndiyo tu yote ninayojua alipata kuwa nayo. Hilo ndilo walilomwagiza kila mtu kufanya. Wakati alipompata mmoja wao walioonekana kama ni Wakristo, yeye alisema, “Je! mmempokea Roho Mtakatifu tangu mlipoamini?”

Kasema, “Hatujui kama kuna . . .”

Kasema, “Basi mlibatizwa kwa ubatizo gani?”

²⁹⁰ Sasa, kubatizwa katika Jina Lake Yesu, ama katika Jina Lake Bwana wetu Yesu Kristo, namaanisha, hilo, hilo ni sawa, lakini hilo bado si yote. La, bwana. Ungeweza kubatizwa mara hamsini, namna hiyo, wala halitakufaa kitu mpaka moyo huo umebadilishwa na Roho Mtakatifu. Yote hayana budi kuambatana. Angalia, ni—ni Kristo!

²⁹¹ Mpinga-Kristo hukataa Fundisho la kweli la Bibi-arusi, na kwa hiyo yeye anamchukua bibi-arusi wake mwenyewe na kumjenga, kwa kanuni yake mwenyewe ya imani. Anamchukua bibi-arusi wake mwenyewe na kumfanya madhehebu! Anazaa madhehebu mengine, kama ilivyonukuliwa katika Maandiko haya Matakatifu; anazaa mabinti. Naye haninii... Anakuwa tu kama mama yake, wa kawaida, wa kilimwengu, wa kimadhehebu; akimpinga Bibi-arusi wa kiroho, lile Neno.

²⁹² Wao hawasemi wao si wafuasi wa kanisa. Hebu zungumza na mtu wa kimadhehebu. “Hakika, mimi ni mfuasi wa kanisa.” Je! wewe ni Mkristo? “Mimi ni mfuasi wa kanisa!” Hilo halina uhusiano wo wote Nalo! Wao husema... Wewe si mfausi wa Kani-... Wewe, huenda ukawa mshiriki wa linaloitwa kanisa, unaona, ukawa mfuasi wa kanisa. Hilo si Kanisa. Hayo si Makanisa. Hayo ni maloji ambamo watu hukusanyika, na watu kama, “kila ndege na wimbile.”

²⁹³ Lakini ninyi ni Kanisa moja tu, na hilo ni Mwili wa kisiri wa Kristo. Na hujiungi na Hilo. Unazaliwa ndani Yake. Unaona?

²⁹⁴ Kama ninavyosema daima, nimekuwa na jamaa ya Branham kwa muda wa miaka hamsini na mitatu, wala sikujiunga nayo kamwe. Nilizaliwa humo. Unaona?

²⁹⁵ Sasa angalia. Inaonyesha kwa mfano vizuri sana. Ni—nina ninii... Maandiko yaliyoandikwa hapa, lakini mimi... hatuna wakati wa kuyaingilia; kama vile Esau na Yakobo.

²⁹⁶ Sasa, Esau alikuwa mtu wa kidini. Yeye hakujiita asiyeamini. Yeye aliamini katika Mungu yule yule ambaye Yakobo alimwamini, Mungu yule yule aliyemwamini baba yake. Lakini yeye alikuwa tu ni mdanganyifu, ama samahani kwa tamshi hilo, ninii tu... Yeye alikuwa hafai kwa lo lote. Yeye—yeye alikuwa, sasa, kuhusu kuwa mwadilifu, yeye kweli alikuwa mtu bo—bora kuliko Yakobo alivyokuwa. Lakini, unaona, yeye hakudhani... “Loo! hiyo haki ya mzaliwa wa kwanza ina uhusiano gani na jambo Hilo?” Naye akamwuzia Yakobo haki yake ya mazaliwa wa kwanza. Unaona?

²⁹⁷ Lakini, Yakobo, yeye hakuwa na mambo makubwa, na kama alivyokuwa nayo Esau. Yeye hakuwa na urithi aliokuwa nao. Lakini kulikuwa kuna jambo moja Yakobo alilotaka, ilikuwa ni ile haki ya mzaliwa wa kwanza. Hakujali jinsi gani ingelimplazimu kuipata; yeye anaenda kuipata. Na Mungu akampenda.

298 Na, halafu, hilo ni jambo lile lile leo, kwa mtu wa kawaida, mtu mwenye nia ya kimwili, mtu mwenye nia ya kilimwengu. “Vema, mimi ni mfuasi wa kanisa la taifa. Mimi ni mfuasi wa kanisa *hili*. Mimi ni mfuasi wa *lile*.” Hilo halina uhusiano hata kidogo Nalo, hata chembe.

299 Angalia, yeye anawakusanya sasa kwenye farasi wake mwenye rangi zilizochanganyikana. Yeye anawakusanya pamoja, kwenye farasi wake mwenye rangi zilizochanganyikana, maana ana nguvu za kisiasa.

300 Huamini anazo? Rais huyu aliingiaje sasa hivi? Yeye alijepenyezaje? A-ha! Tulikuja hapa kwa ajili ya uhuru wa dini; na ninyi kundi la wademokrasia ambao mngeuza haki zenu za mzaliwa wa kwanza kwa ajili ya siasa! Mimi sina . . . Chama cha Demokrasia ni sawa; vyote viwili vimeoza. Mimi ninazungumza juu ya Ukristo. Lakini ninyi mnauza haki zenu za mzaliwa wa kwanza, kwa kura ya demokrasia, kupigia kura kitu kama hicho. Mnatia aibu!

301 Je! hamtambui ya kwamba taifa hili, kabisa, liko katika mfano wa Israeli? Israeli ilifanya nini? Walikuja kwenye nchi ngeni, na kuwafukuza wenyeji na kuwaua, ndipo wakaingia humo na kuimiliki nchi. Hivyo ndivyo tulivyowafanya; Wahindi. Huyu peke yake ndiye Mwamerika wa kweli aliyepo, ni marafiki zetu Wahindi.

302 Na halafu wao walifanya nini? Israeli walikuwa na watu wakuu wachache. Muda si muda unajua . . . Walikuwa na Daudi, na walikuwa na Sulemani. Walikuwa na watu wakuu. Na hatimaye wakampata mhaini pale, Ahabu, ambaye alimwoa Yezebeli fulani, asiyeamini.

303 Vema, hilo ndilo jambo lile lile tulilofanya. Tulikuwa na akina Washington na Lincoln, lakini angalia tuliye naye sasa. Na jambo lenyewe ni kwamba, yeye ameunganishwa, na amezamishwa na kutumbukizwa kabisa ndani ya Yezebeli. Huenda akawa ni mtu mzuri kabisa, lakini mkewe ndiye atakayeendesha mambo yote. Nanyi mnaona jambo hilo sasa hivi, jamaa yote inaingia.

304 Roho Mtakatifu aliniambia nini, yapata miaka thelathini na mitano iliyopita? Ninyi nyote watu wa zamani mnajua jambo hilo, kuhusu mambo saba ambayo yangetendeka kabla ya ule mwisho. Na hili ndilo la mwisho, jambo la pili kutoka mwisho, linalokuja. Yale mengine yote yalitimia kikamilifu kabisa, habari za vita na mengine yote. Unaona? Na sasa taifa hili liko kabisa, katika mikononi ya mwanamke, kulitawala taifa. Yezebeli. Unaona?

305 Lakini, kumbukeni, katika siku za Yezebeli, mtu fulani kweli aliwaonyesha rangi zao. Unaona?

306 Kule kukusanyika, kwenye farasi wao mwenye rangi zilizochanganyikana. Na, unaona, yeye anakikusanya kitu

hiki pamoja, kilichochanganyikana na kanuni za imani, madhehebu, mafundisho ya kujitengenezea. Hiyo ni kweli? [Kusanyiko, “Amina.”—Mh.] Hakika, rangi iliyochanganyikana, rangi iliyochanganyikana ya mauti, farasi wa kijivujivu wa ulimwengu! Sasa, hiyo ni kweli. Rangi zilizochanganyikana za mauti, umbo la mambo ya kilimwengu ya farasi wa kijivujivu, loo, jamani! hakuna Damu takatifu ya Neno, hata kidogo!

307 Pia angalia. Kutoka pembeni...“Kutoka pembe nne za dunia, wao wanawakusanya; wanawakusanya kwenye Har-magedoni,” Biblia ilisema. Ninajaribu kukumbuka Maandiko hayo, kwa maana niliyaandika hapa. Siyakumbuki; ila pale tu yalipoandikwa, kuona ni nini. “Anawakusanya pamoja, kwenye ile siku iliyo kubwa ya vita vya Bwana Mungu.” Angalia. Sasa, juu ya farasi huyu mwenye rangi zilizochanganyikana, wa kilimwengu, wa kijivujivu, mgonjwa, wazieni tu jambo hilo; mnajua, hilo ni jambo baya. Sasa angalia mahali anapowakusanya, “Kutoka pembe nne za dunia.” Wao wanakusanyika sasa kwa ajili ya lile shindano la kuamua. Shindano hilo la kuamua litakuwa kule “Har-magedoni,” kulingana na Neno. Unaona?

308 Juu ya farasi wa kijivujivu, akimwendesha, huku amebandikwa “Mauti”...huku jina lake limebandikwa juu yake, “Mauti,” mpinga-Kristo! Sikilizeni. Mpinga-Kristo, yale madhehebu ya kwanza (hilo haliwezi kukanushwa); pamoja na Yezebeli wake, kahaba kwa Neno; akiwa na binti zake, pamoja naye, Waprotestanti; wakijikusanya pamoja sasa katika umoja!

309 Je! mliwasikia Wabatisti wakisema hapa juzijuzi, mnajua? En-he? “Loo! hatutajiunga nao, lakini tuta—tutakuwa wema kwao na kwa namna fulani tutashirikiana nao. Haitatulazimu kujiunga na kanisa lao, lakini...” Haya basi. Haya basi, jinsi tu Neno lilivyosema. Unaona? Unaona? Kahaba wa siku nyingi, kwanza, unaona.

310 Sasa wako hapa, wakijiunga pamoja, wakielekea kwenye lile shindano la kuamua, huko Har-magedoni, na amepanda farasi mwenye rangi iliyochanganyikana; akiwa na farasi mmoja mweupe, farasi mmoja mwekundu, farasi mmoja mweusi. Hao watatu, mbalimbali; za kisiasa—nguvu za kisiasa, nguvu za kiroho, zinazoongozwa na nguvu za kipepo, ambazo ni mpinga-Kristo. Ukizichanganya hizo zote pamoja, nawe unampata kitu cha kijivujivu, cha kuchefua moyo. Kweli. Sasa angalia. Angalia kile anachopanda, farasi huyu wa kijivujivu, mwenye rangi ya kijivu, iliyochanganywa na nyeusi, nyekundu, na nyeupe; akija vitani, akiwakusanya raia wake kutoka katika kila taifa chini ya Mbingu! Je! Danieli hakuifasiri ile ndoto, na kuona ule mlia wa chuma ukipenya katika kila ufalme, wa Rumi? Hawa hapa wanakuja, wakikusanyika.

Sasa tulieni kimya kwa kufunga, dakika moja tu, na msikilize kwa makini.

³¹¹ Wanakusanyika hivi sasa kufanya jambo hilo, akiwaleta raia wake kutoka pembe nne za dunia; amepanda farasi wa kijivu-jivu, wa kuchefua moyo, mwenye rangi tatu, aliyechanganyikana. Mtu yule yule!

³¹² Sasa, katika Ufunuo 19, si kwamba tu Yeye anajitayarisha, lakini Kristo anajitayarisha kukutana naye. Vita vitakuwa moto na vikali. Kristo, katika Ufunuo 19. Kristo amewakusanya Wake, si kutoka pembe nne za dunia, kwa sababu kutakuwako na wachache sana waliosalia. Yeye anafanya kitu gani? Yeye anawakusanya kutoka pembe nne za Mbingu. Tutawapata, “roho walio chini ya madhabahu,” kesho usiku, nanyi mtaona kama ni kweli, ama si kweli. Pembe nne za Mbingu; juu ya farasi mweupe kama theluji!

³¹³ Yeye pia ana Jina, si mauti, bali, “Neno la Mungu,” Uzima. Amina. Limeandikwa moja kwa moja kwenye paja Lake hapa, “Neno la Mungu.” Huo ndio Uzima pekee, kwa maana Mungu ndiye chanzo pekee cha Uzima wa Milele kilichopo. Zoe! Hiyo ni kweli? [Kusanyiko, “Amina.”—Mh.]

³¹⁴ Naye ameandikwa, “Uzima,” amempanda farasi mweupe; na hapa pana mtu mwenye nguvu tatu mbalimbali zimechanganywa pamoja, anayeitwa “Mauti.” Akiwakusanya wajumbe wake wa duniani; na Kristo anawakusanya raia Wake waliozaliwa Kimbinguni, watakatifu. Ameandikwa “Mauti” juu yake; Kristo ameandikwa “Uzima.”

³¹⁵ Wale walio pamoja Naye wako kwenye farasi weupe, pia, nao wanaitwa, “Waliochaguliwa kabla ya kuwekwa misingi ya ulimwengu.” Amina! Nao ni waaminifu kwa Neno. Amina! Whiu! Ninapenda jambo hilo. “Wanaitwa, waliochaguliwa, kabla ya kuwekwa misingi ya ulimwengu.” Na halafu, ni waaminifu kwa Neno, kwa uchaguzi wao, wote wamechangamshwa na divai mpya na Mafuta, wamepanda farasi tu moja kwa moja, wakishuka kuja kukabiliiana na yeye. Wao wanajua zile Ngurumo zitatoa jambo hilo kwa ajili yetu, karibuni sana. Unaona?

³¹⁶ Angalia. Yeye anafanya nini? Kwa hiyo, kama Yeye ni Neno, na Jina Lake ni Neno, halafu Neno ni Uzima. Mpinga-Kristo; kitu cho chote kilicho *kipinga* ni “kinyume,” kwa hiyo mpinga ni aliye “kinyume” cha Kristo, Neno. Kwa hiyo, haina budi kuwa ni kanuni ya imani, ama madhehebu, ambayo yanapinga Neno.

³¹⁷ Mbona, sioni jinsi utakavyolikosa. Kama u—unalifahamu, ungewezaje kulikosa? Sijui jinsi utakavyolikosa.

³¹⁸ Na hiyo ni kweli. *Mpinga* ni “kinyume.” Je! hilo sio kweli? Ni “Kutoa.” Hivyo ndivyo alivyokuwa. Yeye amempanda farasi wake aliyechanganyikana. Tunaona jambo hilo papa hapa kwenye Neno la Mungu.

319 Tuliona moja kwa moja kule katika zile nyakati saba za kanisa. Hapa Yeye analirudisha moja kwa moja kwenye Mihuri hii, kuifungua na kuwaonyesha mambo yalivyoendelea, katika nyakati za kanisa.

320 *Mpinga* ni “kinyume” cha Neno. Mnaona ni kwa nini, kanuni za imani ni kwa nini tunapinga sana kanuni za imani na madhehebu? Ni kwa sababu zinapinga Neno. Mnaona?

321 Hapa tunaona Uzima na mauti vikifikia kwenye pambano lao la mwisho. Yule farasi mweupe, wa Uzima wa kweli; yule farasi wa kijivujivu, wa kanuni za imani zilizochanganyikana. Wao wanaona jambo hilo likifikia lile—lile shindano halisi la kuamua.

322 Sasa nataka kusema jambo fulani hapa. Huenda usiamini jambo hili. Lakini nililichunguza, nipate kuwa na hakika. Kuna rangi moja tu ya asili, na hiyo ni nyeupe. Ni wangapi wanaojua jambo hilo? Kuna rangi moja tu ya asili. Kingine cho chote, kimechanganywa.

323 Kristo yuko amepanda farasi mweupe kabisa, Neno lisiloghoshiwa, tangu mwanzo. Amina! Amina! Kila rangi ingekuwa nyeupe kama kemia fulani haikuingilia. Amina! Utukufu! Kila kanisa lingekuwa limesimama katika Fundisho la mitume la Neno la Mungu, na Mungu akilidhihirisha, kama yeye hakuwa amelimechanganya na kanuni za imani ama madhehebu. Hivyo ndivyo ilivyo.

Loo! Ndugu Evans, ninajisikia vizuri sasa hivi! Ndio, bwana. Ndio, bwana.

324 Kuna rangi moja tu ya asili, hiyo ni nyeupe. Haija—haijachanganywa na madhehebu wala kanuni za imani kamwe. La, bwana.

325 Na, kumbukeni, watakatifu Wake wamevikwa mavazi meupe, yasiyochanganywa na madhehebu na kanuni za imani. Sasa tunaona, kanuni za imani ya kimadhehebu, hapa ndipo unapopata rangi yako iliyochanganyikana. Lakini hii ndiyo rangi ya asili anayoendesha. Rangi ya asili iko kwa watu Wake. Nao wamechovywa katika Damu, iliyolisafisha lile vazi, na kulirudisha moja kwa moja kule ng’ambo. Unaona? Hiyo ni kweli.

Wale waliochanganya, waligeuka kijivujivu na wanakwenda mautini.

326 Ni kupotosha, ni upotovu, kuchanganya rangi pamoja na nyeupe; unapotosha rangi ya asili. Hiyo ni kweli? Kama rangi ya asili, rangi pekee, ni nyeupe, nawe unachanganya kitu fulani nayo, unapotosha hali yake halisi. Amina. Hiyo ni kweli?

327 Na, wakati, kama Yeye ni farasi mweupe, Naye ni Neno; basi, kuchanganya kitu cho chote Nalo, namna yo yote ya kanuni za imani, kuongeza neno moja Kwake, kuondoa Neno moja Kwake,

ni kupotosha kitu hicho chote. Loo, jamani! Nidumishe na Neno, Bwana!

328 Kweli na uongo! Loo! jamani! Haidhuru hilo ni zuri namna gani. . . Kweli na uongo haviwezi kuchanganyikana. Haviwezi kuchanganyikana. Ni aidha BWANA ASEMA HIVI ama ni kosa. Haidhuru ni baba mtakatifu gani aliyesema jambo hilo, Mtakatifu Bonifer, ama—ama askofu mkuu wa Canterbury; sijui ni nani aliyesema jambo hilo. Kama ni kinyume cha Neno, ni upotovu. Halitachanganyikana. Unasema, “Mbona, jamaa huyu amefanya. . .” Sijali amefanya nini, ni mtakatifu kiasi gani, ama cho chote kama hicho. *Hii* ndiyo Kweli kamili tuliyo nayo. Hakuna kanisa, hakuna kanuni ya imani, iliyo na Kweli, kama iko nje ya *Hili*.

329 Na unionyeshe mmoja aliye Nayo. Hebu tu, nataka uniambie. Nitafungua ukurasa katika Biblia, na kukuonyesha jambo fulani. Unaona? Nionyeshe moja tu. Unasema, “Wapentekoste.” Loo! jamani! nimelikamata wazo hilo sasa hivi kutoka kwa mtu fulani pale. Hiyo ndiyo sababu nilisema hivyo. Afadhali niliachilie, sasa hivi, maana niliona jambo hilo limesababisha uchungu mahali fulani pale pale. Si—sikutaka kuwaudhi, lakini mimi—mimi nilitaka tu mjue nilijua mliyokuwa mkifikiria. Mnaona?

330 Hao waliochanganya, waligeuka (waliopinga) walikufa. Waligeuka wakawa rangi ya mauti, unapochanganya namna yo yote ya cho chote na kitu cha asili.

331 Ni kama vile Kristo alivyosema juu ya mbegu ya haradali. Hata hivyo, ni mbegu iliyo ndogo kuliko mbegu zote, lakini haitachanganyikana na cho chote. Haradali haitachanganyikana. Yeye ni haradali halisi. Kwa hiyo kama tu una kiasi hicho cha imani, ishikilie tu.

332 Angalia. Uzima ulifuata, yule mpanda farasi juu ya farasi mweupe, Ambaye alikuwa ni Neno, Uzima, aliyethibitishwa na watakatifu Wake waliofufuka aliokuwa pamoja nao. Sasa vita vitaendeleaje?

333 Yesu alisema, “Yeye aniaminiye Mimi, ingawa amekufa, hata hivyo ataishi.” Yeye alisema, “Kama mkiniamini Mimi, ingawa m—mlikuwa mmekufa, hata hivyo mtaishi.” Na yeye aishiye na kuniamini Mimi hatakufa kamwe.” Tena, Yeye alisema, “Yeye aniaminiye Mimi. . . Yeye atampa Uzima wa Milele, atamfufua katika siku za mwisho.” Hayo ni Maandiko yake yaliyoahidiwa.

334 Huyu hapa Shetani anakuja, akiwa na pembe zote nne za dunia, akiwa na Waprotestanti wake na Wakatoliki wa—wake, na wote kwa pamoja, wakienda zao kwenye Vita vya Har-magedoni. Vema.

335 Na huyu hapa Yesu anakuja, akishuka kutoka Mbinguni, akiwa na watakatifu waliofufuka, Neno lililothibitishwa.

336 Nilisema, kama Mungu akinena, ama akikutuma, Yeye... Yeye—yeye ataunga mkono yale usemayo. Unaona? Angalia, kama wewe ni balozi kutoka Mbinguni, Mbingu zote ziko nyuma yako. Na Mbingu imejaa Neno. A-ha.

337 Angalia, sasa, Yeye amekuja na watakatifu waliofufuka, akithibitisha ya kwamba Neno Lake ni kweli.

338 Kwa hiyo Shetani anajua, basi, kuzimu kumewekwa tayari kwa ajili yake. Unaona? Loo! jamani! Wakati, mauti ilipopanda farasi wa kijivujivu, mchanganyiko wa kanuni ya imani na madhehebu, na kumfuata yeye, loo! jamani, mpaka kwenye utengano wa Milele na Mungu. Huko ndiko alikowaelekeza na farasi wake, kwenye utengano wa Milele.

Kristo alilipeleka Kanisa Lake moja kwa moja mpaka Utukufuni, katika ule ufufuo.

339 Angalia aya ya 8 sasa, moja kwa moja tu...sehemu ya mwisho ya aya ya 8, tunapofunga, unaona.

...wakapewa mamlaka...

340 Hao “nao” ni akina nani? Unaona? Vema. Mpinga-Kristo, anayeitwa “Mauti.” “Kuzimu akamfuata.” Angalia njama yake yenye sehemu nne.

341 Mpinga-Kristo, farasi mweupe; anaua kwa roho, akiwa mpinga-Kristo; anaua kiroho.

342 Namba mbili, farasi mwekundu; anaua kwa upanga; nguvu za kisiasa, wakati kanisa na taifa vilipoungana.

343 Farasi mweusi; nafsi, wakati alipotoa fundisho lake, naye alifanya pale kwa uasherati wake. Naye akapima chakula chao, kwa ninii... wakauza nini zao... kile walichotoa kama chakula, kwa mizani, na rupia, na kadhalika.

344 Ya nne, farasi wa kijivujivu; kutengwa Milele na Mungu. Tena, nne, unaona. Loo! jamani!

Mungu na asifiwe!

345 Sasa, ya mwisho, hapa katika kufunga. Kwa wale... Mna ninii... Nimepita wakati, lakini mtanipa kama dakika kumi zaidi? [Kusanyiko linasema, “Amina.”—Mh.] Nilipata simu nyingi sana, leo, kuhusu—kuhusu mimi kuzungumza hapa.

346 Kulitokea ushupavu mwingi sana wa dini, kuhusu Eliya, mpaka jambo hilo limeninii tu... Lime—limepigwa nyundo karibu ya kufa. Nawe unaweza... Vema, acha tu... Mungu na anisaidie tu niwasaidie mwone kile ninachoangalia. Sivyo? Hebu na tujaribu tu kufanya hivyo, mnaona.

347 Sasa hili hapa, katika kufunga, kwa wale wasioamini ya kwamba yule mjumbe wa mwisho kwa wakati huu wa kanisa ni nabii Eliya, mtu aliyetiwa mafuta kwa kusudi hilo.

348 Baada ya mauti... Angalia. Baada ya mauti, ya wakati huu wa mwisho wa kanisa... Sasa, unaona ni jambo gani lililotukia,

unaona. Baada ya mauti, mizoga yao inaharibiwa na wanyama wa mwitu. Mnajua jambo hilo. Sasa, hiyo ni kweli. Kama yao, ilivyokuwa mfano wa Yezebeli.

349 Sasa fungueni Ufunuo 2:18 na 20. Ninaamini tulilipata hilo dakika chache tu zilizopita. Sivyo? Naam, ninaamini tulipata hilo sasa hivi. Nilikuwa nimeliandika hapa kwa ajili ya ninii fulani. . . Naam. Wakati wa utovu wa uadilifu, hivyo ndivyo ilivyokuwa. Angalieni jinsi ilivyokuwa, jinsi Yezebeli alivyokuwa ameingia. Sasa, Yezebeli ni makanisa, kanisa hili la kisasa; si Bibi-arusi, sasa. Yezebeli, katika Agano la Kale, ni mfano wa kanisa leo, kulingana na Neno la Mungu, la Ufunuo 2:18, 20.

. . . *wamridhia yule mwanamke Yezebeli, yeye aliyejiita nabii. . .*

350 Unaona? Hiyo ni kweli? [Kusanyiko linasema, “Amina.”—Mh.] Sasa, limefananishwa kikamilifu kabisa na Yezebeli. Sasa, kwanza. . .

351 Tungeweza kuwapa tu Andiko baada ya Andiko, unaona, ya kwamba wakati wa mwisho ni Ujumbe wa kinabii kwa Kanisa, ukiwaita walirudie Neno la asili. Sasa angalia. Hiyo ni kweli? [Kusanyiko, “Amina.”—Mh.] Malaki 4 ilisema hivyo, na mengineyo, Ufunuo 10:7, na kuendelea. Unaona? Yesu Mwenyewe alibashiri jambo hilo, nyuma, nyuma, nyuma huko. “Kama ilivyokuwa katika siku za Lutu,” na kadhalika namna hiyo, na kuendelea baadaye. Linaendelea tu kwenda mbele.

352 Yezebeli ni mfano wa kanisa la kisasa leo maana Wakatoliki na Waprotestanti wameungana pamoja sasa. Ha—hakuna kuepa jambo hilo. Wote wawili ni madhehebu, kwa hiyo ni ninii tu—ni mama tu na dada, hivyo tu. Wao hugombana na kupingana wenyewe kwa wenyewe, bali ni kitu kile kile, wote wawili ni makahaba. Sasa, sisemi jambo hilo mimi mwenyewe. Ninanukuu kutoka kwa BWANA ASEMA HIVI. Unaona? Vema.

353 Sasa tunaona, aliuawa kwa amri ya Mungu, Yezebeli aliuawa, aliuawa kwa sababu Mungu alimwagiza Jehu ashuke aende kule chini akamtupe nje ya dirisha, na kumwua Yezebeli. Nao mbwa wakala mwili nyama yake, (hiyo ni kweli?) Yezebeli mwenyewe. [Kusanyiko lilisema, “Amina.”—Mh.] Ahabu, mfalme wake, kiongozi; mbwa waliilamba damu yake, kama vile Eliya wa kwanza alivyobashiri. Mnaona tunakoelekea, sivyo?

354 Kwa nini? Eliya wa kwanza alikuwa mtu aliyekataliwa, na makanisa. Na Yezebeli na Ahabu walikuwa ndio viongozi wa hayo makanisa, kanisa na taifa, yote pamoja. Naye Eliya akamfunulia Ahabu dhambi zake, na kulihamuru kanisa lote lirudi kwenye Neno la kweli.

355 Kama hivyo sivyo hasa Eliya wa pili anavyopaswa kufanya atakapokuja kwenye kanisa hili katika siku hii, “kurudisha ile

Imani ya asili"! Sioni jinsi utakavyojipenyeza utoke Kwake. Hiyo ni kweli. Kurudi kwenye Neno la kweli! Hiyo ni kweli.

356 Sasa kama ukitaka kuiona miili yao, hebu na tufungue hapa kwenye Ufunuo 19, baada—baada ya Neno kuwaua. Sasa, Neno linaenda kuwaua. Mwajua jambo hilo. Vema. Sasa hebu angalieni tu mwone kile kinachotukia wakati wa Kuja kwa Kristo, katika Ufunuo 19, kuanzia aya ya 17.

Kisha nikaona malaika mmoja amesimama katika jua; . . .

357 Sasa, hiyo ni mara baada ya jambo hilo, angalia hapa juu, "Na vazi Lake lilichovywa katika damu. Naye anaitwa MFALME WA MFALME, NA BWANA WA BWANA." Katika aya ya 13, "Yeye anaitwa Neno la Mungu." Unaona? Sasa, Huyu hapa, MFALME WA MFALME, NA BWANA WA MABWANA.

Kisha nikaona malaika. . .

358 Sasa angalia. Yeye anaondoka.

Na upanga mkali hutoka kinywani mwake ili awapige mataifa kwa huo: . . .

359 "Kutoka kinywani Mwake," kama vile kutoka katika kinywa cha Mungu kuingia katika kinywa cha Musa. Unaona?

. . . Naye atawachunga kwa fimbo ya chuma, naye . . . hukanyaga shinikizo—kizo la mvinyo ya ghadhabu ya hasira ya Mungu Mwenyezi.

Naye ana jina limeandikwa katika vazi lake na paja lake, MFALME WA MFALME, NA BWANA WA MABWANA

Kisha nikaona malaika. . .

360 Sasa angalia. Sasa Yeye anajitokeza, akiwapiga. Yeye anampiga nani? Yezebeli na Ahabu wake, nabii wa uongo.

Kisha nikaona malaika mmoja amesimama katika jua; akalia kwa sauti kuu, akiwaambia ndege wote warukao katikati ya mbingu, Njoni mkutane kwa karamu ya Mungu iliyo kuu;

361 Yeye anawalisha kwa wanyama na ndege. Sasa angalia hapa kwenye ile sura nyingine hapa, ya Kitabu cha Ufunuo. Na, ngoja kidogo, "Kuuu kwa upanga, na kwa mauti, na kwa hayawani wa nchi." Unaona? Kanisa la Kiyezebeli, mwili wake (halisi), utaliwa na ndege na hayawani wa nchi. Kama tu vile hasa wa Ahabu na wa Yezebeli ilivyoliwa, katika maumbile ya kawaida, vivyo hivyo nayo italiwa, katika hali ya kiroho, kanisa. Mnaona ninalomaanisha? [Kusanyiko linasema, "Amina."—Mh.] Vema.

362 Wa Eliya . . . Loo! Eliya alikuwa nabii katika siku za Ahabu na Yezebeli, kimwili. Naye aliahidi kufanya jambo lile lile, kulingana na BWANA ASEMA HIVI, katika Neno, kwa Yezebeli, kiroho; huduma yake ya namna ya Kiroho.

363 Angalia. Eliya, hata hivyo, katika siku Yake, aliyethibitishwa vizuri na kwa hali ya juu sana, hangeweza kuwarudisha kwenye Neno. Hiyo ni kweli? Hata hivyo, Eliya alijaribu, kwa kila kitu. Yeye alifanya kila kitu. A—aliwaonyesha ishara na maajabu; nao wakamcheka mbele yake. Watafanya jambo lile lile na wale wa kiroho hapa, unaona. Yeye hakuweza kuwarudisha kwenye Neno. Kutoka kwa mamilioni. . .

364 Sasa sikilizeni, enyi kanisa, kwa makini sasa, ninyi ambao mmechanganyikiwa kidogo juu ya jambo hili.

365 Kutoka katika mamilioni ulimwenguni, katika siku za Eliya, wakati Yezebeli na Ahabu walipokuwa wanatawala, katika—katika mfano wa mfano wa uongo; kutoka katika ulimwengu mzima, kulikuwako na mia saba tu waliookolewa, kutokana na mahubiri ya Eliya. Hiyo ni kweli? Hiyo ni kweli kabisa.

366 Angalia, Eliya hakujua hata mmoja wao alikuwa hivyo. Alifikiri ndiye tu aliyekuwa ameokolewa, mpaka Mungu alipofungua moja ya ile Mihuri na kumwonyesha hiyo siri katika kile Kitabu, ya kwamba alikuwa na mia saba ambao hawakusujudu kwa kanuni hizo walizokuwa nazo. Wakati Mungu alipomfungulia Eliya Kitabu Chake, alisema, “Sasa ngoja kidogo, mwanangu. Nina mia saba ambao wamefichwa kule, huko nje, ambao majina yao yameandikwa katika Kitabu tangu kuwekwa misingi ya ulimwengu. Hao ni wangu.” Whiu! Mungu alifungua ile Mihuri.

367 Hiyo ndiyo sababu nafikiri Yohana alikuwa akipiga makelele sana juzijuzi usiku. Hapana budi aliona jina lake Pale, unaona. Unaona?

Siku moja Mungu alifungua. . .

368 Elisha, yeye alikuwa amehubiri. Alikuwa amefanya kila kitu, na—na—na amehubiri kwelikweli. Alikuwa amefanya yote aliyoweza, na hata hivyo wao “wakamkashifu” tu, wakamwita kila kitu na kusema, “Wewe ndiwe sababu ya mambo yote haya. Wewe ndio wa kulaumiwa. Wewe ndiwe unayesababisha shida zote hizi kutokea. Wewe una hatia,” na kila kitu namna hiyo. Alimsema kila kitu. Yezebeli alitishia kukikata kichwa chake, na cho chote kile. Hiyo ni kweli. Kila mtu alikuwa anampinga.

369 Na ndipo akasema, “Bwana, baada ya mimi kufanya hayo, yote uliyoniagiza kufanya! Nimedumu kikamilifu na Neno Lako. Wakati uliponiambia jambo lo lote, sikuogopa. Nilienda moja kwa moja mbele ya mfalme, na cho chote kile, na kuwaambia, ‘BWANA ASEMA HIVI.’ Wala Wewe hujaniambia jambo lo lote, na sijawaambia hata jambo moja, ila lililotukia. Na sasa mimi niko hapa, mtu pekee aliyesalia, kutoka katika kundi hilo lote. Mimi ndiye nimebaki peke yangu, nao wanajaribu kuniua.”

370 Mungu akasema, “Nitafungua moja ya ile Mihuri nikuonyeshe jambo fulani.” Akasema, “Unajua, nina mia saba kule nyuma, ambao hawajapigia goti kamwe kwa. . .

hawajajiunga na moja ya hizo kanuni za imani bado, madhehebu. Kuna mia saba walio tayari kwa Kunyakuliwa, unaona.” Loo! Loo! Akamwambia nabii Wake, ambaye Yeye humfunulia Neno Lake, unaona, kupitia kwenye Maandiko. “Nina majina mia saba yaliyokwisha tayarishwa, kutoka kwenye kizazi hiki; majina mia saba. Wao hawajapiga magoti yao kwa yo yote” (kama ningesema katika siku hii) “madhehebu ya kidini, na kuja huku wamejaa kanuni za imani, ndani yao.”

³⁷¹ Mnaona ninalomaanisha? Basi, haina budi kuwa hivyo tu. Haina budi kuwa. Na ni kulingana na Neno. Wakati mtu huyu atakapojitokeza, yeye atakuwa ni nabii. Hakika tu kama ninavyosimama kwenye mimbara hii. Unaona? Naye atasimama barabara na Neno hilo. Yeye hatakubaliana na kanuni ya imani ya mtu ye yote wala cho chote kile. Hiyo ni kweli. Atakuwa aina ya mtu apendaye kuishi, kama Elisha alivyokuwa, yeye. . . na kama Yohana alivyokuja. Ata—atachukia wanawake, (aisee!) wanawake wachafu! Whiu! Jamani, atawakemea kwelikweli! Eliya alifanya jambo hilo, na vivyo hivyo Yohana. Unaona? Unaona? Naye atakuwa barabara kabisa kwenye Neno. Ata—atayachukia madhehebu. Ati madhehebu? “Msianze kusema mioyoni mwenu, ‘Tunaye baba, ndiye Ibrahimu,’ kwa maana nawaambieni katika mawe haya Mungu aweza kumwinulia Ibrahimu watoto.” Mnaona? Hakika aliyachukia.

³⁷² Sasa, haya basi, wapendwa. Huu hapa Muhuri wa Nne, umefunguliwa. Na wale wapanda farasi wa farasi hao wanne wamefunuliwa, vizuri nijuavyo mimi. Sasa, haya ndiyo yote yaliyotukia duniani.

³⁷³ Muhuri unaofuata, tunaona, ni huko Mbinguni, ambapo roho ziko chini ya madhabahu.

³⁷⁴ Sasa, katika kufunga tu, ninataka kusema baadhi ya haya. . . maneno machache tu, papa hapa, niliyoandika. Tumeruka kama, kwenye hii Mihuri minne, Mihuri minne ya kwanza.

³⁷⁵ Sasa, kesho usiku, tuna—tunabadilisha jukwaa, toka mambo yanayotukia duniani. Yeye anaangalia hapa juu na kuona roho zilizo chini ya madhabahu, madhabahu, ya sadaka.

Usiku unaofuata, hukumu inapiga.

³⁷⁶ Na usiku wa nne, ama usiku wa mwisho, Jumapili usiku, sijui ni nini. Sijui hii mingine ina maana gani. Ninaisoma tu, kama wewe ulivyofanya. Lakini, “Kulikuwa kimya kwa muda wa nusu saa,” lakini kuna jambo fulani lililotukia. Ninamtarajia afunue Hilo. Yeye afunua. Nina hakika kwamba Yeye ataufunua.

³⁷⁷ Ilitubidi kwenda, mahali mbalimbali kwenye Maandiko, kwenye Ufunuo 19, kuonyesha kule Kuja kwa Kristo kutamwua yule mpinga-Kristo. Hiyo ndiyo sababu ilinibidi kuacha haya, kuzichukua tu hizo aya mbili. Ilinibidi kwenda kwenye Maandiko mbalimbali, kuthibitisha mambo haya. Kwa hiyo hiyo

ndiyo sababu nilienda kwenye Ufunuo 19, kuonyesha mwisho wa mpinga-Kristo, utakuwa ni kuua; kwa Kristo, atakapokuja, Yeye atamwua mpinga-Kristo.

³⁷⁸ Kwenye Ufunuo 10, kuonyesha ya kwamba Ujumbe wa malaika wa saba utakuwa ni mtu, katika siku hizi za mwisho, aliyetiwa mafuta na Mungu kwa ajili ya huduma kama tu aliyo nayo nabii Eliya, kama ilivyobashiriwa katika Malaki 4, kufunua Neno (asili) la kweli la Mungu katika kizazi hiki, Neno la asili la Mungu katika kizazi hiki. Kama alivyofanya kwa Yezebeli wa kimwili, ndivyo mtu huyu atakavyofanya kwa Yezebeli wa kiroho, makanisa ya kimadhehebu. Ilinibidi kwenda kwenye sura ya 7...sura ya 10, aya 1 hadi 7, kuthibitisha ya kwamba ilikuwa ni kweli. Na kwenye Malaki, na Amosi, na kadhalika, kuthibitisha jambo hilo.

³⁷⁹ Eliya alikuwa nabii ambaye alitabiri na kumhukumu Yezebeli, katika kizazi kile kilichosifika.

³⁸⁰ Na Eliya hakufa kamwe. Kweli hakufa. Yeye alitokea tena, miaka mia nane baadaye, karibu na Yesu Kristo, kwenye Mlima wa Kugeuzwa Sura. Yeye hakufa.

³⁸¹ Sasa, tunaona ya kwamba Roho wake atamtia mtu fulani mafuta, kulingana na ahadi ya Mungu, katika siku za mwisho; aliahidi kufanya jambo lile lile katika Yezebeli wa kiroho, kama alivyofanya katika Yezebeli wa kimwili, katika wakati huo wa mwisho.

³⁸² Hiyo ndiyo sababu ni—niliingia sana katika Biblia, kuthibitisha jambo hilo, ili kwamba lisisalie swali niani mwenu. Kama lipo, nijulisheni. Vema, niandikieni barua ama kijikaratasi.

³⁸³ Nalo linapatana kikamilifu sana, hata kuhusu wanyama kuharibu miili yao ya kawaida katika siku ya mwisho, wakiila kama walivyofanya wakati huo.

³⁸⁴ Nijuavyo mimi katika ufunuo wangu, ambao nilipewa na Mungu na kutabiriwa ya kwamba ningepewa, hii ndiyo Kweli ya wale wapanda farasi wanne, nijuavyo mimi.

³⁸⁵ Mnafikirije nini kuhusu Yesu? [Kusanyiko linashangilia—Mh.]

Nampenda, nampenda
Kwani alinipenda kwanza
Na kununua wokovu wangu
Mtini Kalvari.

³⁸⁶ Sasa kumbukeni, bila ninii... (Naam; endeleeni; hilo ni sawa.) Bila kuwazia mabaya watu wo wote walio katika madhehebu yo yote! Maana, Mungu ana watoto katika madhehebu ya Kikatoliki. Yeye ana watoto katika madhehebu ya Kimethodisti. Yeye ana watoto katika madhehebu ya Kibatisti. Ni mangapi ya hayo, hayo madhehebu yote mbalimbali,

yamewakilishwa hapa usiku wa leo, mliotoka katika hayo wakati mlipoona Nuru? Hebu tuone mikono yenu. [Kusanyiko linasema, “Amina.”—Mh.] Sasa, kumbukeni, kuna watu fulani huko nje kama ninyi tu. Lakini madhehebu ndiyo yanayoua, unaona. Ni roho ya mpinga-Kristo ambayo mwishowe huwafikisha mahali ambapo hata hawatasikia Kweli yo yote.

387 Na je! mnakumbuka usiku wa juzijuzi, nilipoeleza juu ya kutiwa muhuri? Kama mtu alisikia wito wa yubile, naye akakataa kuwa huru, yeye alipelekwa kwenye kizingiti na kutobolewa sikio kwa msharasi. Sikio ni la kusikilia. “Na imani chanzo chake ni kusikia.” Basi, kama akisikia jambo Hilo, na akatae kukubali uhuru wake, basi yeye amenaninii . . . hana budi kumtumikia bwana wake wa kimadhehebu maishani mwake mwote. Amina.

388 Loo! loo! jamani! Je! Yeye si ni wa ajabu? [Kusanyiko linasema, “Amina.”—Mh.]

Nampenda, nam- . . .

Hebu na tuinue mikono yetu sasa na tumwabudu Yeye.

Kwani alinipenda kwanza (Utukufu!)

Na kununua wokovu wangu

Mtini Kalvari.

389 [Ndugu Branham anaanza kuvumisha *Nampenda*—Mh.] Sasa inamisha tu kichwa chako, na hebu na tumwabudu sasa tunapouvumisha. [Ndugu Branham anaendelea kuvumisha *Nampenda*]

390 Bwana, jinsi tulivyo na shukrani sana! Nina shukrani sana, Bwana, nina furaha sana kwa ajili Yako na ya watu Wako. Ee Bwana, ulinunua wokovu wetu pale Kalvari. Tunaukubali kwa furaha, Bwana.

391 Sasa tujaribu, Bwana, kwa Roho Wako. Na kama kuna uovu wo wote miongoni mwetu, Bwana, kutokuamini ko kote Neno, watu wo wote hapa, Baba, ambao hawataitikia kila ahadi ya Mungu kwa “amina”; Roho Mtakatifu na ashuke sasa, yule Mpanda farasi mweupe, wakati Roho Wake, Roho wa Kristo, mbele ya mpinga-Kristo, na awaite walio Wake. Waite watoke, Bwana.

392 Jalia sasa wao watubu, waje haraka Kwako na wajazwe na Mafuta na divai; na wabadilishwe kutoka kwenye joho hilo la kimadhehebu la mauti ya Kaini, wavae joho jeupe kama theluji la Uzima wa Milele, lililotolewa na Bwana Arusi. Nao halafu wataenda kwenye Karamu ya Arusi siku moja, katika Neno lililothibitishwa la ufufuo. Tujalie, Bwana. Ichunguze mioyo, huku watu wakikungojea Wewe. Katika Jina la Yesu!

[Ndugu Branham anaanza kuvumisha *Nampenda*—Mh.]

393 Sasa, hebu uchunguze tu moyo wako, ndugu yangu, dada yangu, rafiki yangu. Nimekuwa pamoja nanyi muda mrefu. Hii

ni kama miaka thelathini na mitatu. Je! nimepata kuwaambia jambo lo lote katika Jina la Bwana ambalo halikutimia? [Kusanyiko linasema, “La.”—Mh.] Mtafute Kristo sasa wakati una nafasi ya kumtafuta. Huenda likatokea hivi karibuni sana ambapo huwezi kumtafuta. Unaona? Anaweza Yeye aondoke kwenye kile kiti, wakati wo wote, cha upatanisho Wake; ndipo ungeweza kulia kwa moyo wako wote, ungeweza kukanyaga ardhi kwa nguvu sana, ungeweza kunena kwa lugha, ungeweza kukimbia huku na huko sakafuni, ungeweza kufanya lo lote ulilotaka, na kujiunga na kila kanisa ulimwenguni, hakuna kitu, hakuna kitakasaji tena kwa ajili ya dhambi ya—yako. Basi utafanyaje, uko wapi basi?

³⁹⁴ Vema, ninaamini, kwa moyo wangu wote, kile kiti kingali wazi bado. Ninaamini Yeye yungali kwenye Kiti cha Enzi cha Mungu. Lakini hivi karibuni Yeye atainuka sasa, na kujitokeza, apate kudai wale aliowakomboa. Yeye anafanya kazi ya Mkombozi aliye Jamaa wa Karibu, wakati Ruthu anangojea.

³⁹⁵ Lakini hivi karibuni, mwajua, baada ya Boazi kufanya kazi ya jamaa wa karibu, basi alikuja akadai mali yake. Na hivyo ndivyo hasa Biblia ilivyosema Yeye alifanya, “Yeye alikuja akakitwaa kile Kitabu.” Ndipo kazi ya upatanisho imekwisha; Yeye ameondoka kwenye kile Kiti cha Enzi; hakuna Damu tena kwenye kile Kiti cha Rehema. Halafu ni kitu gani? Kiti cha Hukumu.

³⁹⁶ Usiache isemwe, moja ya siku hizi, “Nilifikiri Kunyakuliwa kulipaswa kuja.” Halafu usikie Sauti ikisema, kule nyuma, “Kumepita.” Mungu akusaidie!

Sasa na tuinamishe vichwa vyetu.

³⁹⁷ Ndugu Neville, njoo, kuturuhusu tufumukane, ama cho chote unachotaka kufanya. Mungu awabariki, mpaka kesho usiku.



UFUNUO WA MIHURI SABA
(The Revelation Of The Seven Seals)

Jumbe hizi za Ndugu William Marrion Branham zilihubiriwa kutoka tarehe 17 Machi mpaka tarehe 24 Machi, katika Maskani ya Branham huko Jeffersonville, Indiana, Marekani, na Muhuri wa Saba ukaendelea tarehe 25 Machi katika Hoteli ya Sherwood. Baada ya kupata kanda za awali ambazo zinasikika vizuri na ni kamilifu zaidi, kitabu hiki kimechapishwa tena kwa mpangilio wa sasa. Kila jitihada imefanywa kuhamisha kwa usahihi Ujumbe wa sauti kutoka kwenye kanda za sumaku zilizorekodiwa na kuuandika katika kitabu, na umechapishwa hapa bila kufupishwa na kusambazwa na Voice of God Recordings.

Haki zote zimewekwa. Kitabu hiki hakiwezi kuuzwa, kuchapishwa tena, ama kufasiriwa katika lugha zingine, ama kutumiwa kwa kuchangisha fedha bila barua ya kuruhusia ya William Branham Evangelistic Association. Kilichapishwa tena katika mwaka wa 2006.

SWAHILI

©2001 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ilani ya haki ya kunakili

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org